



ル 5  
1212  
41





阮與子

石文光

續列傳

卷二

列傳三

一



1212  
41

廣州府志卷二百四

列傳三 宋 元



黎友龍

郭閻

李用

李春叟

子同文

余元鏗

區士衡

子子美 國輔

梁起

子祐 安 禛 禎 陳志

何道祐

鄧剡

何君佐 子思古 甘以智 以

趙必瓊

父崇誦

翟卷石

張元吉

弟登辰 曾祖淑 登辰子惟

陳庚

父益新 弟紀

劉衰然

凌震

梁道光

王道夫

張鎮孫

陳大震

阮與子

石文光



馬南寶

黃俊

伍隆起

熊飛

許之鑑

翟龕

父景先

黎宿

區適子

父與 葉野舟

何子達

趙東山

何文季

李肖龍

鄭聰老

廖金鳳

梁百揆

子文鳳

陳息卿

羅鑄夫

子文鳳

趙若舉

邵繼賢

陳元輔

弟英輔 廖汝楫

陳猷

孫考

劉玉真

吳應雷

張惟寅

以上宋

董朴

陳韶孫

張元俊

兄元方 子漢忠

徐國祿

張智

蘇孟昭

楊紹孫

弟仲玉

單仲昇

盧宗文

廖德彰

周修

林文秀

劉德

周偉

子瑋

蒲里翰

區思本

子祖華

羅蒙正

張摠

梁會甫

袁清吉

兄祥吉

李天澤

陳大謨

阮泳

子士桂 楊士元

趙梅南

李遇

雷康壽

簡祖英

高彬

黎獻

張復禮

以上元

宋

黎友龍東莞人官校書郎性好義理宗嘉熙三年乙亥縣尹



欲創建經史閣而苦用不集友龍發其私帑大興工役不三月而閣成先是淳熙間學宮隘陋有議遷於爽塏者友龍四世祖晦聞之請于邑令曰某有美地術者謂當世出貴顯然與其私吾家孰若公之一邑遂捐以學宮厥後堯之衣冠踵武實晦啟之也邑賢李春叟張衡輩皆賦詩美之

據張府志修

郭聞字開先番禺人治書爲舉首柳南盧方春得其文驚異以爲乾淳而後復見此作登理宗淳祐四年甲辰進士第調真陽尉再調鬱林學官擢知高要縣有政聲秩滿授梅州僉判改知平江縣數以事忤呂文德文德知其賢聞還里文德令其子師夔薦之旣復如京師廖瑩中與聞有舊力挽之除省門充辛未省闈考官擢監察御史不避權要其所彈擊公論莫不快焉初廣州置買銀場本與商舟爲市後從而征之

吏緣爲奸征及民戶租米又提舉鹽司以鹽科配民戶價多而鹽少二事皆害民間條奏得罷民作感恩齋以報之汀贛丁壯往來潮惠循梅境以販鬻爲事理宗紹定間泐征權激亂詔免權四州鹽繼又權之悍民遂相挺爲盜聞奏罷之且請選廉恕以宣德意斥貪謬以蘇瘡痍遷右正言首陳聽言容言之道以廣上心又言士大夫奔競成習狂躁成性營求薦引直欲一蹴而造班行至於寬縱盜賊殘暴良善是忍於負國負民而不忍負盜賊又言今天下之患莫甚於上下不相應易帥閩拔偏裨旌死節誠方今急務而應合者率文具緩急恐難倚仗乞選朝臣出使審核虛實庶幾募兵督餉不敢爲欺時禁廷臣莫得預知兵事聞乃言臣居言責天下事皆當預聞况邊廷之大者哉於是兵糧實數皆關白諫院又



上虛名實用一疏陳宜中劉黼賈似道等咸不平聞自官臺諫悉心憂國形神日耗循至病革所言皆軍國大事不及其私卒年六十六素清潔家無餘財屬纊之日幾無以斂帝嗟悼贈恤特厚廣人以閭與菊坡文溪合祠祠廢遂祀於仰高祠

據廣州人物傳 癸辛雜志參修

李用字叔大東莞人少孤事母孝愛盡禮初業科舉及讀周程諸書即棄去杜門潛心理學將三十年踐履日熟從學者日眾自號竹隱人稱曰竹隱先生李昂英聞其賢就見與語終日未嘗有懈容易英出語人曰吾今乃見有道君子嘗著論語解由伊洛以遡洙泗之源學者傳之昂英進其書於朝詔授校書郎不受遷承務郎以旌其高安貧樂道無求於世卒年八十一廣東提刑周梅叟復以論語解奏聞理宗特賜

竹隱精舍匾度宗咸淳中廣東提刑劉叔子祀之於邑學子

三人各通一經能世其業長春叟最知名次得朋官至法曹

季松叟有文聲早卒

據黃通志修

謹案阮通志引東莞志云李用當宋末使其壻熊飛起兵勤王而身浮海至日本以詩書教授日本人多被其化稱曰夫子比死以鼓吹一部送喪返里至今莞人送喪皆用日本鼓吹號過洋樂樂人皆倭衣倭帽以象之

李春叟字子先用之子蚤穎悟邑宰許巨川見而異之勉其從師遂謁柱楊林思齊陳翊陸鵬升授春秋又以諸經參訂於公巖壽盧方春周梅叟諸人如趙順孫陳存盧鉞呂直之皆其友也理宗寶祐四年丙辰省試中選以謨寫謹對黜理



宗開慶元年己未試入選奏號之夕宰相上言西廣有邊擾宜優省試一名以收人心春叟厄於數竟爲易置廷臣交薦授惠州司戶有賢能聲理宗景定間廣東提刑楊允恭狀奏曰臣念嶺海之東素號多賢自崔與之力辭相任高風逸韻聞者興起比年恬退清修之士臣得於所聞之真者有迪功郎李春叟刻苦窮經清嚴自守已兩試南省俱中前列厄於勢要竟就特奏之選間嘗攝職則確守公廉及其退居則安貧授徒未嘗汲汲於祿仕可謂經明行修者也乞賜獎拔以厲浮競詔除肇慶府司理嘗辯冤獄當路不從卽投告身於庫請歸事竟白遷肇慶教授秩滿歸上書御史郭閻陳銀場鹽局之害語在閻傳嘗著論語傳說以補先志所未及又摘晦菴語爲詩使學者詠諷自得號詠歸集以經學訓後生名

士多出其門朝廷重其名除軍器大監不就賜號梅外處士宋末邑人熊飛勤王潰歸駐兵於邑時邑民多竄飛揭榜限三日回家否則戮之春叟號哭諫飛乃止時羣雄四起乘時剽掠以春叟故多不忍犯邑人賴以免元世祖至元十三年元兵至廣欲剿東莞春叟往謁其帥以死爭之得免邑人德之繪像祀於竹隱祠分司李僉事延春叟邑學禮以賓師公暇卽造門問政年八十卒諸子多文藝可觀曰同文者嘗著易說爲邑令掾初春叟之衛鄉里也邑人同時有功者有翟龕趙必瑒張元吉張登辰之屬

據廣州人物傳修

余元鏗字仲宣新會人忠襄公靖之後封川令夢弼子與文溪李昂英友善爲循陽法掾臨行昂英謂之曰仕以行其學當官奉法無高下其手有不平必爭爭不得則去是卽他時



定大議臨大事之權輿也自諉官卑一事放過將終身悔之矣元鏗再拜受教折獄平恕後爲肇慶府司法參軍益著廉稱致仕歸每饑歲賑里民以粟人多德之

據張府志修

區仕衡字邦詮順德陳村人先世自韶來遷父泰亨官助教仕衡生穎異博聞強識理宗紹定末隨泰亨在史局讀未見書有經世志嘗過錢塘謂兩河日望王師宜移蹕淮汝襄漢以圖恢復今酣嬉湖山非計淳祐間應舉入太廟疏陳丞相鄭清之史嵩之樞密李鳴復誤國狀旣又與諸生合疏論賈似道構陷正人矯詔行公田關子於民不便語極激切不報乃畫郭林宗象爲贊寄意時元兵已迫遁歸鄉里闢九峯書院從學二百餘人築長林館居之德祐二年端宗航海幸閩廣仕衡上丞相陳宜中書曰景定以來北兵自大理至廣劉

帥逆戰於道捷音上馳吾廣州郡鄉兵操練待戰嶺外無不思保障城池者德祐初鄂州始破帥臣開府督戰自孫虎臣丁家洲敗駕走海上誰爲策耶然皋亭遁避聞江淮兵尙有一萬諸路民兵尙有二十萬正軍尙有十七萬温州非用武地勢不得不航海福州非駐足地勢不得不入廣上初卽位丞相首登台席文右揆張少保陸樞府蘇殿帥義聞壯猷非江左夷吾可驂車乘况黃摧鋒趙制使兵有紀律所向無前吳李朱毛四將軍分道而出樓船飛集海上丞相賈勇決戰先護六飛據廣爲行在一軍爲前鋒四軍爲左右翼兩軍爲游兵一軍向浙一軍向閩皆由海往一軍由滇江向嶺北一軍由湘灘備楚蜀北兵雖強悍遠來野戰行無宿糧驅無休息絕海風濤非大漠之熟途粘天帆桅非鐵馬之長技鹹食



濕蒸半多嘔泄春夏漸迫不能耐暑吾之水軍蠶子慣習鯨波足以敵之海上萬一散而情歸諸港口哨舟且守且戰彼久必潰我得養銳勤王之兵四集事尚可為惟丞相決策而已仕衡家故饒歲有租八萬石出貲集鄉兵八百自守其鄉又為書糾合諸鄉鄉推一人為長使隸待制張鎮孫都統凌震為郡邑聲援既而諸將失利會仕衡病不食曰得為宋室完人幸矣以景炎元年死著有理學簡言一卷九峯集三卷

按縣志張府志並云端宗幸閩廣陳恢復策不見用歸講學九峯書院歐大任撰家傳不載上陳相書事云入太學上書不報遁歸所居有九峯書院長林館從講授者二百餘人與劉輔九峯書院記上書論奸臣誤國不報南歸講學語合今從子子美貢元善詩著有長林館集二卷子復武遷丞復子

國輔元江西肅政廉訪司副使

據順德志修

梁起字起莘號定山汴梁人遷南海逢簡鄉少聰敏有才畧

宋度宗咸淳三年丁卯鄉薦累官武經大夫奉敕鎮粵兼團練閩楚兵馬拜中順大夫嶺南招討使與同官者忤遂解兵柄隱民間已卯元將張宏範分道南侵宋帝殞於厓山起念世食宋祿義不俱生且江南競傳帝在占城元詔追帝起至是糾率義兵起元帥馬南寶麾下會宋遺民推南寶為帥起為副及制置使黎德以迎駕起兵聚眾至二十萬力戰勢絀為王守信所敗遂易名隱焉甲申元詔大赦凡有忠於所事者八年罪犯悉置不問起始匿南海之逢簡村又詔求宋遺民起故與謝枋得有舊當事者薦枋得徵之力起亦被薦不就與枋得書畧曰邇者聞元人徵足下甚急不佞亦與薦剡足下將為田橫客豫讓哭抑將有蹈海之逃乎一死生齊順逆足下籌之熟矣又曰舍生取義千古綱常今與足下特未



知死所耳謝竟以不食死起亦卒不往後邊海羣盜蠡起聚眾掠居民里人黎耕叟方為南海簿以起才畧白閩帥追求之而閩里父老亦以門庭之寇乞起往討賊平授廣西賓州路同知總管事起嘆曰天不祚宋我反以官爵自污何以見吾君於地下乎疏力辭不受中有掬心未朽願效採薇於箕山洪運方興乞許行吟於澤畔之自是浪跡江湖無復人間事卒年六十以長子祐官追贈廣東宣慰司都元帥爵安定郡伯勳上騎都尉祐字祐之勇毅通經史少師事枋得仕元以討寇功判慶遠歷廣西僉帥平服蠻酋以都帥致仕次禕字保之與元戰歿於陣起部將陳志安亦戰死次禕字申之延祐初廕叙博羅尉擢封州聲績茂著卒官民罷市據順德志修

謹案順德志引黃通志馬南寶傳云招討使黎德梁

起莘起兵為王守信敗起莘仕元為都元帥不知德官實制置非招討又諸志起名無下一字已疏考証據梁氏家譜天啟年修起卒大德八年子祐以至正八年始官都元帥又據何經撰傳起以長子祐得贈都元帥爵安定郡伯是生前未嘗一日受元官也元史百官志諸路總管下路者僅從三品而同知更列總管下元以討賊功授以賓州同知未就賓州下路同知中秩安有五爵之賜史志明甚黃志蓋誤以死後推贈之爵移為生前受之官毫釐千里之差遂與論張鎮孫者等又考明都御史郡人李嗣撰祐傳云至大四年諸司檄討平羣醜授忠武校尉曰吾先公不受賓州吾何有使者曰先大人宋臣不受義也今公



生元朝居元土逃將安之弟禎亦力勸乃就命官至廣西宣慰司副都元帥何李二人皆去起未遠聞見自確合兩傳與起與枋得書并梁應鰲墓志則黃志錯誤無疑且當時覆沒全軍身中流矢幾斃親子愛將同時授首流離伏匿至以子繼陳氏為妹後避元搜求又歲以敗日祭陣亡軍將至今不替語見梁伯謙岩隱集梁驥閒居集以理言之當時忍隱齋恨元以爵秩召其不就宜矣

何道祐順德黃連人益王立於福州元兵入廣南海俶擾道祐捐資助餉募勇備船粟與敵戰死之事聞封南海顯甯侯

據順德志修

鄧剡字光薦號中齋宋末自廬陵過嶺避元亂匿香山之黃

楊山十二口並焚死剡隨扈厓山除禮部侍郎宋亡赴海元

兵出之隱沖鶴著善行嘗贊信國像賦鷓鴣讀者哀之何君

佐馬甯人學諭萊叟子從陸秀夫敗赴海死甘以智甘村人

進士祐子與子思古同死事

據五山志林宋訪冊參修

趙必瑒字玉淵號秋曉東莞人濮安懿王裔也度宗咸淳元

年進士與父崇誦同科崇誦性恬淡任南安軍司戶參軍卓

著賢聲尋解組歸必瑒初任高要簿尉郡檄署四會縣事有

異政民為立生祠再任高康丞

黃志選舉作南康丞

惠州守文璧辟為

從事丞相天祥璧之兄也集兵勤王必瑒往謁與論時事天

祥重之後察璧無堅守意即歸適熊飛駐兵於邑欲盡括稅

戶財穀充軍需必瑒恐為變願以己資錢三千緡米五百石

以贍軍減稅戶需擾飛從之即委必瑒董其事必瑒隨其家



寬征之人感其義復語飛曰聞王師駐海上欲遣趙潛方興  
 安撫東廣莫若用宋號通趙方二使尊宋主而後舉兵事成  
 則可興復不成亦足垂不朽飛然之即日署宋植號舉兵向  
 城遂迎潛興入廣時天祥開督府於潮惠兼知錄事相與殫  
 謀恢復而勢已不支矣宋亡以象州教授歸隱東莞之温塘  
 詩酒自娛足跡不入城郭嘗題其室曰詩人只合住茅屋天  
 下未嘗無菜羹其所養可知矣元世祖至元三十一年甲午  
 卒壽不踰五十有覆瓿集行世祀鄉賢明宏治中進士璧官  
 副使有能聲其後也據粵大記廣州人物傳郭通志參修

翟卷石號于介東莞人祖顯由進士任南雄知州卷石登甯  
 宗嘉定二年己巳進士任瀧水判簿以忠孝風節勵俗遇猺  
 亂擾及瀧水卷石單騎詣猺營撫降之鄰郡賴以安堵白司

空按嶺南聞其事書廉勤忠勇四字遺之疏表其績瀧俗不  
 知學卷石捐俸立塾延師教以孝弟文章俗為之變據郝通志修

張元吉東莞人系出張九皋之後曾祖淑有篤行足跡未嘗  
 造公府嘗委金於貧戶門下不使知之父光濟漕貢進士元  
 吉當宋末為邑尉元既降德祐使招討使黃世雄入廣邑丞  
 呂立遣元吉以戶口獻世雄委元吉攝尉既而宋制置使趙  
 潛舉義元吉從之潛使同熊飛捍禦南雄飛戰死於韶元吉  
 仍歸攝尉元張宏範率兵自惠將至邑元吉使其弟登辰罄  
 家貲賂之元兵由是不犯邑境登辰善屬文有器識舉度宗  
 咸淳九年鄉貢試歸知時事不可為說邑宰為保障計及張  
 宏範兵至邑民奔竄登辰以兄命齎白金千兩抵惠州行營  
 請紓邑難宏範喜遂戒兵無得犯東莞後登辰攝縣丞帥府



欲增東莞稅額登辰力爭得免入元邑稅得舊規登辰力也  
登辰子惟寅力學有才譽元初役民採珠惟寅陳其不便竟  
得罷採民至今德之元吉登辰死時邑民作緇黃以報德李  
春叟為詩哭之祀鄉賢據黃通志修

陳庚字南金東莞人父益新博通羣書尤邃性理之學補貢  
不就隱東湖邑人尊曰東湖先生庚其長子也以書經擢咸

淳甲子甲子為理宗景定五年也十月度宗始即位其明年乙丑乃咸淳元年鄉貢罷歸不復

求仕日肆力詩古文明暢沈蔚有歐曾風經畧劉實辟置幕  
府以世亂歸隱東湖研心性命之學學者多師之邑人稱曰

月橋先生邑宰延以為儒師造門問政修寶安志人稱其有  
史才年七十九卒郭應木表其墓稱為有德君子云弟紀字

景元以周禮領度宗咸淳九年癸酉鄉薦宋季與庚皆退隱

於家工小詞有周美成康伯可風韻有越吟斐稿傳於時人

稱淡軒先生據黃通志修

劉褒然字舉之番禺水東人今隸從化幼英穎端謹同邑梁惟中

善品藻見而歎異以女弟妻之度宗咸淳四年戊辰進士一  
甲第三人以文林郎任韶州軍事判官考最進承直郎提領

豐儲倉所檢察官恭帝即位諭銓部以史局頗雜命擇文學  
清敏者為史屬德祐二年春褒然遂改史館檢閱尋進承議

郎行太常丞兼權翰林權直學士時國瀕於亡百官奔散褒  
然守死不去特授朝奉郎以旌其忠以憂憤卒於行在諡忠

毅其子孫析居從化者至今仕宦不絕審理格檢討克正通  
判克修皆其後云惟中仕元為京尹亦有聲據廣州人物傳黃通志修

謹案阮通志云劉氏家乘實祖居番禺慕德里菴羅



岡後遷南海之亭岡衰然宋末自為番禺人黃志以為今從化者以其墓在今從化之水東堡耶抑言其後析居從化者有袁村房明時審理劉格及其子克正等皆以衰然為祖遂曰今從化人不可不辨

梁道光三水人中咸淳三年丁卯鄉貢性恬澹不以富貴為意宋亡築室于書院坑絕跡城市屏謝人事惟以讀書自娛今書院址猶存據張府志修

王道夫番禺車陂人少從陳大震遊苦志力學咸淳四年進士仕連山尉保民毆寇有功度宗寵以御札兼有金注盃盤之賜由是才畧知名景炎二年張鎮孫敗凌震得脫收集散亡得數千人倚文天祥為聲援時道夫家居端宗召權兵部侍郎兼轉運判官道夫拜命與凌震各將兵相為犄角凌

震者本莆田人淳祐進士歷知廣州晉都統三年各志作二年誤今從

宋史正文天祥復惠州道夫與震謀曰文公既克復土疆吾等

宜乘勢大舉事幾不可失也震從之會元呂師夔退兵震與道夫帥師擣其虛遂復廣州城詔有敬於事上忠於謀國緬

惟純誠深用咨歎之獎以震為廣州制置使道夫拜兵部侍郎廣東轉運使四月端宗崩衛王即位改元祥興加道夫學士兼兵部尚書十月元將李恆襲廣州力戰不利閏十一月

庚戌道夫遁壬戌震遁癸亥元兵復陷廣州獲船三百艘禽將吏已下二百人去於是道夫震會兵圖再舉十二月壬午

道夫先引兵取廣州與李恆戰大敗被執無名氏昭忠錄張世傑傳明年已卯

正月張宏範至厓山二十日李恆發廣州牽哨船會師世傑遣文英將步兵王道夫將蛋船迎擊又促凌震入衛已而文英遁新州道夫與恆遇不戰而遁凌震亦震繼至亦敗退戰不至按此則道夫未被執與宋史紀不合



於菱塘又敗明年二月李恆與張宏範合攻厓山震解甲降

番禺志宋亡震隱於東圃元時薦授宣慰使不受卒葬東圃

古鼎岡明按察使麗水張敦仁銘其墓參議梁士楚弔以詩

云再復孤城血戰斑汴京炎火落厓山少康舉事無成旅祿

父歸心止義頑獨木豈能支大厦一丸猶欲塞函關當年英

毅如公少真與張王伯仲間子十三人九次子方道蔭宣議郎

孫祖才官至提督其裔甚繁今官羅凌邊深井潭村新會程

村凌姓皆其後云 道夫憤恚而卒 廣州人物傳據厓山志宋

此與詔經載異 志子壽孫隱居玉堂村 據宋史元史二王紀廣

張鎮孫字鼎卿番禺龍尾人少攻苦讀書博學強記有司試

其文異之咸淳七年舉進士廷對為天下第一 張氏世譜先

南人見面廣州狀元見河南謂州前大江所面鄉落也有司

因構見面亭峽之李昂英未達時讀書海珠以大魁自期嘗

與同志數人結龍頭會其張氏子平鎮孫時方弱齡謂同舍生曰

占之曰應是識者其張氏子平鎮孫時方弱齡謂同舍生曰

安知非僕聞者姍笑之至是果為狀元其年大江忽御製詩

竭往來相通企望能辨眉目人始悟所謂見面之說 御製詩

賜之 咸淳遺事載詩曰臨軒再策匪虛文要語論謀敢勿遵

昭假天心惟致敬封培邦本在深仁詳延喜見洋洋對

來譽知為蹇蹇臣始進便當 時度宗留意禡祥制策所言觀

思遠到會須華國有儒珍 附錄對策曰臣對臣聞帝

瑞芝迎霞光皆實事人所難言也 王之治天下自積一念之

仁始帝王之仁天下自積一念之敬始仁之為道大矣非敬

無以行之惟無一念而非仁則有以充其用之大惟無一念

而不敬則有以極其體之全故必渾融乎方寸之微而後充

周乎民物之眾持守於隱微之地而後顯行於運用之天究

諸其端亦在乎積之而已嘗觀之天以一元運行無間容息

元而亨亨此元也亨而利利此元也利而正正此元也正下

起元而生理又續之於無窮萬物之圓於其間其生亦無窮

也使天之生理又續之於無窮萬物之圓於其間其生亦無窮

有一毫之壅闕則非所謂大業日新之謂盛德惟積故能日

新富有之謂大業惟積故能富顯仁藏用夫豈一日二日

廣州府志 卷一百一十四 列傳三



百威儀三千無一之非仁也昊天曰明及爾出王昊天曰旦  
及爾游衍無一之不敬也則隱仁之端積一念之惻隱則仁  
不可勝用博愛仁之事積一念之博愛則仁不可終窮仁不  
止於公也積之無不公則仁在是矣仁不止於恕也積之無  
不恕則仁莫近焉由一念之敬未易全也何者仁者心德之  
全體非積其一念之敬未易全也何者仁者心德之渾全  
莫非天理而亦不能不累於人欲而敬也者所以克去人欲  
而全其天理也堯舜性之固無待於積而危微精一猶致謹  
焉此堯之欽舜之恭所以為盛帝也湯武身之則有戒焉此  
矣故不遜聲色不殖貨利敬以為勝怠義以勝欲必致戒焉此  
湯之敬躋武之敬用所以為令王也故必有堯舜性之仁  
而後有時雍不犯之仁必有湯武身之仁而後有子惠安  
民之仁孰謂積一念之仁不自積一之敬始乎洪惟國朝  
以仁立國蓋自藝祖皇帝終將賴之此仁之積可謂厚矣陛  
地遠邁帝王社稷靈長終將賴之此仁之積可謂厚矣陛  
緝熙有暇嘗論臣鄰曰藝祖創業垂統皆自不嗜殺人一念  
基之大哉王言真足以知立國之本矣抑亦知藝祖立心之  
本乎乘快指麾終日不樂且有為天子易邪之語戰戰兢兢  
如對日星如警雷霆積此敬心以立其體故能積此仁心以  
撫熙洽之運此仁之積愈深愈厚范祖禹所謂愛民卹物之  
無上極於天下達於地內則諸夏外則夷狄山川鬼神草木  
諸官不妄言笑此一敬也臨朝端莊具有聖度此一敬也朝

夕奉先未嘗敢怠此一敬也至忱所感以致天應亦此一敬  
也四十二年之間始積此敬故四十二年之間始積此敬  
仁體全而用大非有所積曷由登茲越我理考儷美仁宗臣  
觀御製仁厚論有以見先帝積仁之大用又嘗拜觀思無邪  
毋不敬二銘有以見先帝積仁之大用又嘗拜觀思無邪  
力到恩厚澤溥博無窮施罔極本一母不敬之心充積之不  
陛下紹休聖緒親得心傳迺月正元旦慮仁心仁聞隔而不  
通則拳拳乎戒貪虹流瑞且暴殄庖厨實所不忍則拳拳乎  
戒殺即此一念已足以追配三聖之仁矣夫賢才所以輔吾  
仁也召而未至求而未獲仁幾於壅矣夫賢才所以輔吾  
而末孚戒而未革仁幾於壅矣夫賢才所以輔吾仁也  
溥貢獻非不却也而益於間牧守非不選也而厚生之仁未  
得以梗吾仁豁積負而賦額而下未周發義廩蠲田租而吏或  
未難積也積之一日則亦仁之體未得而全之也夫仁之用  
仁日復日歲復歲積水以成淵積土以成山愈浚則愈深愈  
培則愈高何患其用之不特患不能積其體之心則虧此仁之  
毫慢易之心則腐此仁之體有一毫非僻之心則虧此仁之  
體有一毫怠忽間斷此仁之體則離此仁之體陛下燕閒夔  
中幽獨得肆之地亦嘗戒謹不覩恐懼不聞否乎亦嘗勿  
以二勿參以三否乎亦嘗在宮如在廟使民如承祭否乎孔  
子告子張以為仁必先以恭告樊遲以為仁必以恭祭至於  
告顏淵以天下歸仁之目必曰非禮勿視非禮勿聽非禮勿  
言非禮勿動皆主敬之謂也是雖聖賢講學之要而帝王行

廣州府志卷一百十四 列傳三



仁之體實不外此臣願陛下以先帝毋不敬之心為心益有以積其仁而仁之  
 以積其敬復以先帝仁厚之心為心益有以積其仁而仁之  
 全體大用上足以續藝祖仁宗一脈相傳之仁聖問所及特  
 仁之餘用耳臣謹昧死上愚對臣伏讀聖策曰厥初顯穹實  
 生兆民孰總其羣乃作之君孰對其迷乃作之師君之治之  
 師之教之禮樂刑政之所由生與有天下國家者壹是以元  
 元為命脈凡議論所講明政事所設施罔匪為邦本計夷攷  
 載籍率與天並言之明威視聽皆自我民其不可輕者固如  
 此歟臣有以仰見陛下念天地為民而立君體天以子民欲其  
 也草木榛榛鹿豕不還不能資之養也必需之飲食自其資  
 於養也一爪剛者搏力強者奪小者以訟大者以師紛然而莫  
 之統一有聰明聖智者生乎其間則天必命之為億兆之  
 君師治之而爭奪息導之而生養遂教之而倫理明此天下  
 所以比而歸於一人而禮樂刑政所由生也禮以明其分樂  
 以宣其情刑以防其奸政以齊其俗皆所以仁之也故天下  
 國家以民為命脈聖人一紀綱法度之立設施此仁也天祐下民  
 之間講明此仁也一紀綱法度之立設施此仁也天祐下民  
 作之君師苟不能推廣一初意哉古昔聖人所以惕然加敬畏  
 中甯不有負於君師之微賤而忽之敬天命也粵稽載籍言明  
 之心而不自民言視聽必曰自民言天畏天也粵稽載籍言明  
 言來紹上帝必曰畏天顯之可惠惟天惠民惟辟奉天惠民所  
 佑民祇之可畏即天顯之可惠惟天惠民惟辟奉天惠民所

以奉天也惟天生民惟聰明時又時又所以奉天也故堯不  
 畏洪水而畏昏墊之未安舜不畏烈風雷雨而畏烝民之未  
 恤旱非湯之畏而慄慄之忱惟恐塗炭之未拯大風非成王  
 之畏而祇勤之心惟恐蠢動之弗甯惟其敬心無日而不存  
 所以仁而無往而不周而臣願陛下積一念之敬而無或懈  
 弛則能積一念之仁而無不洽矣臣伏讀聖策曰三聖傳  
 歸則曰非何戴非眾罔守然則一中之師之大綱領究其指  
 持固結之道歟陛下慕三聖之傳有統前聖後聖同一為維  
 歟臣有以仰見陛下本原出於天聖人之心一道之無間欲其仁  
 之如古也臣聞道之本原出於天聖人之心一道之無間欲其仁  
 舜自執中之外無他說舜之命禹益以三言而且拳拳曰眾  
 非元后何戴之體而非眾罔與守邦其憂之益深其言之益切矣  
 蓋中即仁之體而惟精惟一所以全仁也先儒胡宏曰中  
 者性之道凡釐百工熙庶績仁者惟能盡性豈有二道哉堯得  
 是道故凡釐百工熙庶績仁者惟能盡性豈有二道哉堯得  
 道故凡六府孔修四事允治萬世永賴其功無非此仁再得是  
 所以維持固結斯民之心亦窮世變所趨自謂守邦即仁之感民者  
 無窮而民之戴其仁者亦窮世變所趨自謂守邦即仁之感民者  
 守位也道統之傳本無絕續世變所趨自謂守邦即仁之感民者  
 武帝非有志於道之君乎外施之政終莫揜其多欲遠邁堯  
 舜太宗非悅慕於道之主乎勸行之功卒稅駕於末此念之  
 他敬心不存故人欲足以害天理而已臣願陛下積一念之



敬使道心不汨於人心則能積一念之仁而與堯舜同符矣  
 臣伏讀聖策曰我國家誕受天命以奄有九有列聖代光紹  
 明大保人斯無疆肆我先皇帝迪畏天顯懷保小民四十一  
 年躋敬履仁用能延洪基緒式克至于今日蓋其精神心術  
 之妙融會於六經之奧要語一書口傳命其示軌範者在  
 是朕祇遜猷訓行其所知臣竊謂三代以來未有如我宋之仁  
 欲天下之仁遂也臣竊謂三代以來未有如我宋之仁藝祖  
 仁之物發也仁宗仁之時乎也我理宗仁之利而正之時也  
 品物蒸黎時則有以深根滋衍蓼蕭之厚澤時則有以長  
 瘼之亨至於萬寶告成庶物就實是利而正之時也人知先  
 帝所以博仁之用者一成庶物就實是利而正之時也人知先  
 者一正固之心乎惟純乎敬也故向賢則始終尚賢不以不  
 肖參之布治則始終惟純乎敬也故向賢則始終尚賢不以不  
 則此心無少怠宿當常節用之則此心荒政當行田租當減  
 以持敬者不特一思無邪毋不編而圖之曰敬天圖易之首  
 跋曰以敬天命又撫六經之言天者無一非乾先帝之心即乾也  
 書之跋曰人君靜語默天化之靡常如能疾敬厥德則可以祈  
 天永命先帝之心即天也上帝臨汝無貳爾心見於詩之跋  
 則此心無時不在帝左右忱之不可揜忱之毋自欺見於詩  
 之跋則此心無時不閑邪存忱至於周官之法則則不徒事

文物典章之飾春秋之災異則不徒諉列國證應之言敬之  
 所積如此其至以春秋之災異則不徒諉列國證應之言敬之  
 顯之心而為懷保小民之心而固自敬中來也精神心術之  
 妙於上紹五三之傳密探六經之奧而語一書所以口傳而  
 命於下者真堯舜禹之相授也陛下忱能端居而念深  
 心以思玩味以紬繹則知書之堯典曰欽易之乾曰忱詩之  
 蔽曰思無邪記之首曰毋不敬周禮之列名度數非繁文春  
 秋之筆削褒貶非紀事其要旨所在蓋與敬天圖數非繁文春  
 鑣臣願陛下於此而行之其所敬非虛文而仁皆實惠矣  
 盡獲何以致信順之助臣有以仰見陛下慮仁之不能偏愛  
 而急親賢之為務也臣聞鳥有以仰見陛下慮仁之不能偏愛  
 之賢不見用則仲尼臨河而返賢者之去就蓋有所覘也陛  
 下自踐祚以來弓旌四出蒞合矣王春之始都俞慶會當泰道  
 無共器之害氣類可謂翕合矣王春之始都俞慶會當泰道  
 之既長思實才之是求渙頌一札趣召二老真情實意懇切  
 至到而考槃在澗生芻空谷猶未肯幡然而起何耶意者進  
 而在列者弗獲以容其用故退而在野者甯甘以藏其用耶  
 竊怪紫囊獻替或禁闔之莫留白簡繩愆或車輪之難止沽  
 激者敢於好名則雖不沽激者豈敢不韜光夫人才之在天下  
 氣則雖不任氣者豈敢不韜光夫人才之在天下不當涵養以  
 翼其成不當摧沮以速其敗當取其長而棄其短不當涵養以  
 才畦積器使區區惟恐弗逮其急於親賢如此臣願陛下積



一念之敬篤信君子勿有一毫厭薄之心留意人才每為先  
時培養之計則養賢及民仁之所在茲乎臣伏讀聖策曰訓守牧  
尚賢而獲天人之佑助者不在茲乎臣伏讀聖策曰訓守牧  
戒貪殘以布治也然訓未必孚戒未必革何以興治也臣聞  
豺狼當道安問狐狸捨大惡而諂小過張綱為之埋輪不行  
吏習之嫩惡蓋必有舍也百里者皆撫字其人守千里者皆  
牧民有訓有銘固宜令百里者皆撫字其人守千里者皆  
司郡守不先撫實求士將以庇匿之罪罪之夫監司者一路  
之網郡守者一郡之綱子帥以正孰敢不有塞帷糾惡之  
風則受財之吏自去有懸魚在庭之清則獻餽之丞自慙今  
任按察之寄者或乏直清之譽居方伯之任者鮮聞廉介之  
稱源則濁矣何以不附已則劾而去之喜貪者之能奉已則舉  
而進之求其不庇匿不可得也始於小大之相尚成於上下  
之相蒙小吏之貪乃囊橐之藏陛下雖有仁心仁聞誰與達  
哉先帝復何賴焉其嚴於飭吏如此臣願陛下積一念之敬  
今若此復何賴焉其嚴於飭吏如此臣願陛下積一念之敬  
勸獎大吏以爲小吏之倡禁敢大吏以爲小吏之積一念之敬  
民安仁之所及者遠矣周禮之所謂聖布治於邦國都鄙而親  
萬民之觀聽者不在茲乎周禮之所謂聖布治於邦國都鄙而親  
既不用嫺戚每選用賢良宜有厚生之政而未見田里之無

愁歎臣有以仰見陛下謹選循吏欲以厚生之政仁斯民也  
臣謂欲厚民生當先戡吏先王爲民設官有官則有吏府史  
胥徒黠吏之所在官者奉行文書奔走力役而已後世始有所  
謂輕黠吏有所謂豪惡吏有所謂深刻吏尹賞王溫舒之徒  
猶能擒制而用之未嘗有若今日官弱吏強也蓋居官者遷  
而爲吏者長子孫居官者懼於法而爲吏者舞文法者則否  
吏懦者畏吏貪者資吏酷者任吏吏曰可則可吏曰否則否  
據案占位書紙惟謹此官所以反聽命於吏也吏曰可則可  
成獄惟貨有雖有循良之吏果能以身任芻牧之寄乎陛下  
御筆戒飭守臣毋縱吏奸爲蠹國慮也盍亦爲蠹民慮乎陛下  
正德厚生而以敬心行之則循吏用而姦點屏田里無愁歎  
之聲而仁聲洋溢矣臣伏讀聖策曰竭澤而漁不也既力  
却貢奉且禁獻羨餘宜有益下之說而尚聞郡國之有征歛  
欲知益下莫先陛下嚴止征歛欲以益下之說而尚聞郡國之  
歛爲非猶知賦歛之名今直取之而已昔以收大半之賦爲  
非尚有其半也今直盡之而已昔以收大半之賦爲  
官吏鞭撻丁壯繫累老稚銖銖寸寸以誅求之民膏血郡邑  
陛下不可得而見也南畝之民鷲面塗足終歲勤動而不厭  
糠覈陛下不可得而見也徒坐門塗足終歲勤動而不厭  
嚮妻子以飽之愁歎之聲載道陛下不可得而間也思復損  
上以益下得乎陛下自初即位止貢奉卻羨餘天下咸知陛下  
下之仁無土木營繕之侈無匪頒賜與之害天下咸知陛下

廣州府志 卷一百一十四 列傳三



之儉日積月累固宜邦計裕而民力寬臣來自遠方側聞奉  
宸之儲餅罄大農之積子虛是果何為而然耶厄不盈者漏  
在下木不茂者蠹在內韓琦論減省浮費自宮服醪膳無益  
三尤三費終之曰人不率則不從衣服醪膳無益舊規請自  
乘輿始珠玉錦繡不得浮費請自後宮始先帝因經筵講易  
豐卦有曰豐亨盛大之時人主之心易生不可不戒慮此  
也陛下體易之損上益下而以敬心行之則百姓足君孰與  
不足郡國無征歛之政而仁政行矣臣伏讀聖策曰義廩之  
發將以賑饑而侵牟或不免田租之蠲本以寬賦而苛取或  
如故至若豁諸州之積負損版曹之故額俾紓急絕之擾深  
寓省費之實而民未有愜志勢若中隔澤不下流歷思之迄  
未得其說臣有以仰見陛下軫憂民瘼欲無一事之不本於  
仁無一夫之不被其澤也臣竊以為義廩之發田租之蠲欲  
公其利則臣前所言欲厚民生莫先戡吏其說粗可先行積  
之豁故額之損欲去其害則臣前所言欲戡吏其說粗可先行  
其說粗可用請終言之自去歲旱澇相仍民已告歉今春常  
寒為咎陰雨彌旬穀再種而不入麥雖秀而不堅糠覈既盡  
惟草根木葉是食民不聊生甚矣朝廷蠲租發廩正欲民拜  
一飽之賜然常平之積平時侵牟移易以虛相付受至是則  
乘時消器者有之矣幸而有積則借補欠之說而官吏瓜分  
其錢者有之矣甚而坐視流殍不肯發廩並綠支撥掩其實  
蠹吏則肥矣如民何田賦之納郡邑未預借或二三年至是則  
文具應詔者有之矣幸而富州大邑未至預借或二三年至是則  
放而欺誑小民者有之矣甚而包放重催虛破補解盜竊府

庫欺弄簿書吏則豐矣如民何此臣所謂莫先戡吏是也諸  
州積負當豁則豁仁也上供之數或不足以供調度之需能  
保版曹之不刻刷乎允費未節而先積負之豁是不揣其本  
而齊其末也版曹故額不當損則損仁也破分未除或足以貽  
異時之害能保州縣之不橫取乎浮費未省而先賦額之損  
是不節其源而窒其流也此臣所謂莫先損上而先賦額之損  
筆令諸州建平糶倉必命監司嚴督守臣使小民無難食之  
患至蠲放水旱田租必戒守令嚴督守臣使小民無難食之  
敝租或見於重催必一申徹之陛下倘能以敬取贏於額外  
己裕人哉貪惠下仁意充塞乎宇宙矣臣伏讀聖策曰意奉  
憲者導之未明歟抑習錮於玩未易遽革歟朕寅念先帝貽  
謀常恐羞之重為之惕然也臣有以仰見陛下下歎仁道之難  
盡思所以光紹先烈也臣於陛下有以仰見陛下下歎仁道之難  
願益加聖心焉蓋積之說有二有積習之積有積累之積仁  
心久玩吏治久鬱令之而不從懲之無間斷有緝熙無作輟  
之蠹也力行不息基也陛下不憂有體之無改此積習之積仁  
未治而自止不以小康而自務不以小善為無益而弗為不  
以小過為無傷而弗改不以災異為適然而有忽心不以祥  
瑞為美觀而有德色一敬之積愈積而愈厚則先帝貽謀數  
世之仁又自陛下益近致於萬世矣彼奉憲者未明訓導為  
吏者未底廉平特積習所積致爾一積之謂敬無適之謂一  
化人心之積習豈不自聖心積累之功有以感之歟臣竊慮  
聖心或者未能積其敬也夫主一之謂敬無適之謂一思慮



未萌知覺不昧則靜而有以養此心事物既接品節不差則  
動而有以養此敬也恐懼於旱澇常寒之警固知敬矣悅  
懌於瑞芝之觀何所積之未純邪齊莊於圭璧薦享之時固  
知敬矣轉移於霞光迎導之際何所積之有問邪先帝無不  
敬之心恐不如是也臣願陛下加積累之勤以充此仁之體  
而極其全博此仁之用而極其大則治雖未可以速成亦未  
有積而不成者也陛下謙虛遠下所以策臣者亦以勤矣區  
區愚忠亦已歷陳熟數於前矣至終復策之曰子大夫博古  
通今夙抱經濟之蘊其據經以對毋有所隱朕將親覽焉臣  
益見陛下好問之忱有加無已必期臣子之盡忠也臣束髮  
讀書粗知有犯無隱之義幸逢明盛之朝陛下盡心於治  
臣而有隱是負其所學矣輒於聖問之終所陳者一曰人言不  
係其玩之說蓋去人心之玩自去君心之玩於玩則多事  
可玩蘇軾對策曰天下無事公卿之言輕於言亦則有可言之  
公卿之言重於泰山夫天下無事之時猶不可言亦則有可言之  
階視之為重雖輕亦重視之為輕雖重亦輕則心則敬心生  
則玩心生矣當安平無事之時無逸酒誥之書日誦於左露  
時哉水旱盜賊之奏日陳於前無事無逸酒誥之書日誦於左露  
囊霜簡言言藥石月課風聞事無事無逸酒誥之書日誦於左露  
下虛心訪問和顏容納必精思諦聽而審其可否則言之善  
者用矣二曰天變不可玩范祖禹奏疏曰聖人無一日而不  
事天無一日而不佑聖人所謂無一日而不事天以敬之  
也事天之敬有時而間斷則天必出災異以警其玩也必矣

人君知其然故夙夜自儆以畏天之威左右如在以敬天之  
怒猶懼獲咎而況敢逸豫乎哉今日食於春王三朝水災於  
江浙兩淮玉燭未調而乖氣致異天心之仁愛端可識也陛  
下側身修行戰兢自持以我之天會乎天之仁則災異之來  
可弭矣三曰虜情不可玩夫夷狄之不仁也猶豺狼而其惡  
鴟梟不若也張耒有言曰鴟鴞不鳴謂之孔鸞見其不噬待  
以犬馬斯亦過矣今之夷狄何如哉和好之使雖來而驕黠  
之情叵測境土之界日蹙而谿壑之欲難盈此正嗚嗚迫人  
之秋也陛下思祖宗之天下尺寸不可欲難盈此正嗚嗚迫人  
仇覆轍不可以再蹈兢兢業業如大敵在前兵甲相接而罔  
或怠忘焉臣見廊廟之籌策為謀既臧樽俎之折衝其勇自  
倍不然日揭歲玩遺患將深雖有孫吳無所用之此猶國家  
之遠慮古今之通患也陛下積習於此尤加之意而去其積玩之  
心則恢復之期有日矣夫積習之積不可有積累之積不可  
無仁心之不能積而全之者何也以其積敬之功未至也敬  
其積玩之心而為積敬之心勉積敬之心而為積仁之心天  
下尚安有不被吾仁者哉臣一介草茅不識忌諱罄竭忱悃  
冒進狂瞽惟陛下舊制狀元宣拜後中官催索謝恩詩宮女倚  
機以俟詩成即織諸錦以進鎮孫素不工詩是日運毫如飛  
丞相賈似道欲市恩乃曰子似道啟上所擢也省試當作元



惜相遇晚耳鎮孫不謝例使判局取餼錢又寡取之人服其  
 不阿除秘書監正字遷校書郎通判婺州迎養其父母德祐  
 元年元兵至百官奔散鎮孫奉二親歸廣臺劾罷職二年宰  
 執吳堅賈餘慶家鉉翁等以皇太后命舉國以降眾立益王  
 是是為端宗皇帝航海幸閩廣間廣州海上潰軍奉鎮孫為  
 帥張氏世譜因泣辭父母遂於謝村石壁糾結鄉豪屯站謝村之烟管岡鎮孫與都統凌震結  
 集行伍分東西二路誓圖恢復景炎二年十二月帝舟次惠  
 州甲子門詔以鎮孫為龍圖閣待制廣東制置使兼經畧安  
 撫使委以軍事賜劍一弓一矢一將校盧震擁眾暴橫鎮孫  
 數其罪戮之兵威稍振時元呂師夔張榮實已入廣州聞鎮  
 孫至以軍餉不繼退走使其將梁雄飛守之二年四月帝舟  
 次於廣之官富場鎮孫復廣州雄飛等走韶州有詔褒賞十

一月元將塔出會師夔攻廣州鎮孫集戰艦二千於海珠寺

力戰敗還入城元兵圍之力不支城陷被執明年二月師夔

以鎮孫歸於燕鎮孫至大庾嶺死之按宋史書塔出圍廣州制置使張鎮孫以城降

考匡山志景炎三年正月塔出呂師夔等夷廣州城如鎮孫果以城降豈復夷其城耶元史云詔鎮孫及其妻赴京師會鎮孫卒廣州人物傳云鎮孫道死大庾嶺文天祥作詩悼之時陳仲微紀海上事書鎮孫死節董師謙亦云鎮孫死難惜無有表之者南海志云陳仲微從二王入廣日擊當時之事逐日抄錄必得其真特書鎮孫死之諒非虛也初鎮孫廷試日天陰晦大雨如注廷試始於開寶終於咸淳其日天必開霽獨咸淳七年則否識者以為非文明之兆云據宋季三朝政要咸淳遺事張氏世譜廣州人物傳黃通志南宋書阮通志參修

謹案番禺志云鎮孫各志傳俱作南海人郝通志作南海喜涌人今隸順德惟阮通志據張氏世譜作番禺人謂禧涌張氏實張茵孫之後茵孫乃張權之孫



張天紀長子娶於禧浦陳氏因宋亂始遷居焉攷張氏一世祖元貴原西蜀潼川遂甯人舉孝廉授南海縣知政誥贈宣義郎居官廉平擢權知軍州事致仕卜居城南太平門內泰通里娶石壁麥氏因籍番禺子二長機次權機字長機歲進士雷州訓導居官清正生三子次翔泰字南仲抗志高邁肆力詩酒著有詩文集詩易疏解諸書行世卽鎮孫父也鎮孫母夢日入懷而孕產時室中聞鐘鼓音異香經日不散八歲就外傳一日成誦十二有神童稱十五冠諸生咸溘庚午鄉試第五人聯捷成進士寶祐元年歸里盡室遷石壁由石壁遷謝村殉節後門人王元甲奉柩歸葬永泰里與平庄南嶺南仲公墓下有見面亭集

十六卷并四書析義名臣言行錄行世子二直清直專城破時亦被執以幼釋歸直專四傳後遷龍尾鄉云

陳大震字希聲番禺人理宗寶祐元年癸丑進士釋褐爲博羅主簿擢循州長樂令以文辭敏捷政事寬厚稱轉蘄州廣濟令以平盜功改奉議郎參靜江帥府度宗咸淳七年權知雷州慮西湖湮廢乃大築隄岸建平湖書院以祠寇準二蘇井之當道者護以石闌泉得不竭民德之有婦人與夫殺養母以盜訴大震怪其詞色一問遂服州人以其神在郡二年判語數百人刻之號蘧翁山判轉朝奉大夫擢守全州元兵至力不支自劾歸端宗入廣召爲尙書吏部侍郎不就元至元十八年詔甄錄舊臣授司農卿廣東儒學提舉避貫請閒



居從之居嘗深衣廣袖自號遽覺先生立靈位以待死日與常往來者飲酒賦詩曰吾可以下見穆陵矣卒年八十大震性剛正平生御子孫嚴而有禮性樂山林附郭有亭榭皆樸陋天色晴美則籃輿徧賞好事者多從之游雖老讀書不釋卷為文典雅有集數十卷今不存據廣州人物傳修

謹案阮通志云此傳亦見增城志謂其雖以番禺籍舉進士而子孫實家於增城云

阮與子香山人天性純篤讀書通大義早喪母事父元輔盡孝德祐二年丙子五月父病劇旦夕稽顙北辰願以身代刲股和藥以進父瘳戴志云籲天懇禱開脇割肝取一瓣以療病病為之瘥鄉里以其事達於有司經畧使徐直諒賚以二帛號所居為孝行坊將以上聞會師旅不果居五年父沒哀毀踰禮據黃通志修

石文光增城人少以知勇稱宋端宗景炎元年元兵下廣宋

二王航海二年十二月舟次謝女峽命丞相陳宜中往占城

借兵時文光從行察宜中無還意遂率所部兵船數十艘回

廣時盜蜂起民賴其捍禦既沒立廟號為石神據大清一統志修

馬南寶香山人家饒財讀書好義尤工詩宋景炎二年十月

厓山志端宗自潮州之淺灣航海過邑境南寶獻粟千石厓山志

作九月勅獎之召拜權兵部侍郎時帝舟為元師所迫十一月

萬石志丞相陳宜中少傅張世傑殿前指揮使蘇劉義奉帝幸沙衝

駐蹕於南寶家南寶竭力衛帝勞瘁備至元人無知者元兵

陷廣州諸將召募潮居里民數百以行南寶謂諸將曰功成

之日當以奉迎孝恭懿聖皇帝為先因飲諸將酒曰痛飲黃

龍府在此行也歌岳武穆直擣長驅之句以相風勵慷慨激

列傳三



烈聞者壯之帝舟將復駐淺灣未至元將哈刺歹等來襲世傑等與戰於香山島敗績將士被執甚眾陳宜中所統眾尙數千人舟八百艘走秀山即東莞虎頭山中流大風壞舟眾多溺死宜中僅以身免十二月張世傑奉帝舟退保秀山尋次於井澳丙子颶風大作舟敗幾溺帝遂得驚悸疾旬餘諸兵士稍稍來集死者十四五元將劉深復襲井澳世傑力戰却之時帝奔謝女峽即仙女澳亦在香山海中帝復入海至七里洋即九星洋方輿紀要所謂海中有九曜山是也陳宜中欲奉帝走占城乃先往諭意遂逃去南寶聞之慟哭曰丞相必不返國事危矣後果然景炎三年春都統凌震復廣州南寶賦詩志喜時帝舟次於化之碙州疾大作四月帝崩衛王昺即位走厓山張世傑等從之而曾淵子充山陵使奉帝還殯南寶家偽為梓宮出葬南寶募人為疑塚於壽星塘五處其實永福陵在

厓山也南寶方赴厓山會阻病旦夕謔語未嘗忘也宋亡逃匿不降嘗作詩有曰目擊厓門天地改寸心難與夜潮消又曰眾星耿耿滄溟底恨不同歸一少微聞者哀之相傳端宗臨幸時丹荔方熟常摘一枝其後經摘處風味獨殊人以為異已而元兵欲屠潮居里南寶不為動後聞陳宜中奉帝昺猶在占城元主下令捕之於是招討使黎德梁起莘與南寶起兵運糧往迎車駕遇元萬戶王守信兵與戰大敗南寶被執不屈死之據黃通志修

黃俊南海人沈深有謀宋末為摧鋒軍將性剛毅不能隨時俯仰見上官指畫兵事不少休所持堅不回或沮之而卒如所言由是知名德祐二年元兵陷臨安廣東經畧使徐直諒遣人赴隆興納款元阿里海牙呂師夔來徇廣州未幾益王



卽位直諒乃遣提刑李性道領摧鋒軍及水軍拒元將黃世雄俊與陳實將摧鋒謝賢將水軍兵號二萬俊察實賢無忠憤心會晤間輒以韓世忠岳武穆勗之至石門望敵騎眾性道大恐俊進曰俊觀敵眾部伍未整分兵爲兩翼遶其後擊之可以得志性道不從艤舟不戰旣而敵結陣成列鼓噪而前俊奮身大呼率眾力戰實等不爲援遂敗奔還直諒宵遁元黃世雄遂陷廣州授性道實賢官俊拒不受實賢等共殺俊俊慢罵不絕口而死東莞熊飛先爲世雄守惠潮二州制置使趙潛集義討世雄飛卽應潛世雄出走飛兵至廣州性道出迎飛執之後十日潛與轉運副使趙淇至次日安撫方興至索陳實謝賢告于俊斬之並戮性道萬口稱快廣人憐俊忠共厚葬之

據彭森撰黃俊傳修

伍隆起新會人

今隸新甯

高祖珉高祖朝爲嶺南第十三將守南

恩州卒于官子朝凱遷新會之文章里生子之才官陽春尉

之才生天麟官龍井場提幹天麟生隆起值帝昺舟次厓山

隆起以祖父三世食宋祿誓以死報率鄉民捍衛且貢米七

百石

粵大記作七千石

先是元帥張宏範已入廣州隆起力戰累日

潛爲其下謝文子所殺以其首降元丞相陸秀夫遣人收遺

骸以木刻首葬于文逕口山

在新甯城東南八里

後秀夫募得文子戮

以祭隆起之墓故今人猶名其墳爲釘頭墳村爲釘頭村云

大忠祠成祀隆起於東廡題曰宋義士贈州判伍隆起位蓋

當時所贈官也

據廣州人物傳厓山志修

熊飛東莞榴花村人李用之婿也有武畧善騎射景炎元年

六月元軍入廣州飛起兵勤王聞丞相文天祥經畧江西將



往隸焉為元將黃世雄所扼飛陽為元人守潮惠世雄疑之謀殺飛飛遁還東莞舉兵應趙潛世雄遣其將姚文虎追至榴花村飛勒陣斬之盡殲其軍九月制置使趙潛至飛以兵應之攻梁雄飛于廣州世雄懼拉雄飛等出走飛遂復韶州新會合曾逢龍亦率兵至廣州降元通判李性道出迎飛與逢龍數其罪誅之潛入廣州飛以性道逆節甚明乃沒其家焚其居元將呂師夔張榮等將兵度梅嶺十月潛遣飛與逢龍禦之于南雄使劉自立守韶州逢龍戰死飛退保韶州元軍圍之飛督兵登陴且守且戰守將劉自立以城降飛巷戰敗績赴水死所居銅嶺去城十里有塔曰榴花塔飛起兵時與元兵大戰處每陰雨猶聞金鼓之聲塔左為花溪石為銀塘有巨石四飛自刻花溪銀塘四大字亂之復整人以爲神

同時許之鑑者城西人集兵赴義榴花村之戰鑑功為多飛

死鑑走從文天祥于汀州力戰五坡嶺被執不屈死

據黃通志修

翟龕東莞人父景先登理宗淳祐元年辛丑進士官僉判世

有行誼龕性孝友海寇猝至負親走山麓間榛險不避嘗割

田供大宗祀事與族人共之理宗景定二年辛酉以書經領

鄉薦度宗咸淳二年丙寅再舉都魁官本邑主簿宋末元兵

壓境人民逃潰熊飛欲盡括稅戶佐儲胥龕力諫止捐資倡

助軍費是時元兵所過恣屠戮龕與李春叟趙必瑒張元吉

締謀決策竭力緩輯宋亡杜門不出建樓貯書以延文學名

曰聚秀書院學者稱遜菴先生卒祀鄉賢

據東莞志廣州人物傳修

黎宿東莞人先世本贛州宋季知雷州獻臣者徙惠州博羅

之白沙有政譽宿其裔孫也始自白沙徙東莞之黃涌敦行



禮義鄉人化之封股以愈親疾宋朝旌其門曰孝義署其里曰德本若祠堂義塾之建實自宿始後來子孫多以儒名家

據黃通志修

區適子戴志黃志俱作區適無子字誤字正叔南海人幼爽邁及長重厚寡

言笑以博學多聞稱從遊者數百人號登洲鄉適子父璵字良玉仕宋為

生因更其所居地鮑州為登洲鄉適子父璵字良玉仕宋為

德慶參軍居官廉介有聲從父翊龍官至朝散郎適子宦家

子饒于財遇歲大飢出粟四千餘石一作四百石為粥以飼貧民

鄉里感其德郭志粵大記順德志五山志林以作粥為其子魯卿事舊志誤優游里閭嘉遯

終身元末兵擾羣盜過其墓此魯卿之墓相戒勿犯謂此吾施粥

主人也有詩文若干卷京口劉與子序之稱為德人相傳今

訓蒙三字經適子所撰也文馴雅童子多習誦之同邑有何

子達者尚志讀書宋末隱遁山林間號柏堂元初以明經舉

不出年百有一歲又增城有葉野舟者亦宋元間隱君子也

博學窮經著有四書闕疑宋季以學職薦固辭不就據黃通志順德

志增城志參修

趙東山東莞人系出濮邸博學能詩性高古不諧流俗談勝

國事則揜耳不聞嘗登鳳凰臺以舒懷抱其志行汗漫視世

間事無當意者數來亭頭遊法性寺海月巖每憑高瞻望厓

山之雲則悲歌慷慨涕泗潛焉逢佳山水詩成刻于石其題

海月巖詩二首石刻猶存野仙則其自號云邑中有何文季

字子友者亦慷慨敦節義從李昂英遊仕宋季棄官歸厓門之

變痛哭成疾卒戒子孫不得復仕所著有蘭齋集據東莞志黃通志修

李肖龍字叔膺增城人有幼悟未冠為經義文詞迥出儔輩

廣州府志 卷一百十四 列傳三



父光發理宗寶祐元年癸丑進士除英德洽洗主簿遷潮州通判擢通直郎肖龍登度宗咸淳七年辛未進士第初任贛州司戶舊入稅糧多私其贏餘肖龍一無所受尋改循州興甯簿攝長樂縣事邑多大戶凌小民肖龍至首重其罰立團保之法使鄉隅各自為兵人皆相識無敢為盜者又禁邪巫正婚娶勸學校課農桑一境安之除太社司令累遷朝議大夫至元中官增江提學兵燹後學宮鞠為榛莽增城民鄭聰老富而好施肖龍以義說之聰老讓其宅為學又捐資立鄉賢祠祠古成之而下學舍以次舉絃誦藹然矣暇日編輯崔清獻言行錄以傳論者韙之性剛急嘗製漆牌繫于肘為銘以自戒曰怒如炎火焚燎自傷觸來勿競事過清涼蓋有得于古人韋弦之義云著有易傳五教編見聞錄等書據增城志廣州

人物傳

謹案阮通志云宋理宗景定五年甲子已為元世祖至元元年至宋帝昺祥興元年戊寅即至元十五年帝昺于祥興二年己卯二月溺即至元十六年也李肖龍仕于度宗辛未以後已在至元年間今言至元中為增江提學似應仍為宋臣非元臣據增城志云入元遂不仕句可知矣戴璟通志列肖龍入元未當黃佐作廣州人物傳既為表章之及作通志又闕其傳于元臣盧宗文傳附記鄭聰老不及肖龍其意亦有所惑歟

廖金鳳字叔祥增城武功人今隸龍門母何氏夢彩鳳入懷而生故名登理宗開慶元年己未進士初授增城尹有惠政元兵



南伐嶺海騷動鄰境賊魁肆劫金鳳召募勇士軍聲大震賊遁去有司以勞績聞于藩府檄守長沙時國事多艱詔募忠義以圖恢復金鳳首應詔遂有太尉之命階銀青光祿大夫賞賚優渥元兵入閩宰臣張世傑挾衛王駐厓山時金鳳守梅關即率所部勤王宋亡歸隱西林卒崇祀鄉賢祠據龍門志修

謹案阮通志引廣州人物傳云宋端平間廣州變招集義兵守護縣治事平有司以聞朝廷將官之而金鳳已卒乃贈太尉太尉官最尊而金鳳得贈蓋傳疑之最不可曉者此據增城志也與此互異又選舉志開慶元年進士無金鳳名俟考

梁百揆字宗盛番禺人今隸順德父仲欽博究羣書尤邃性命之學以真知實踐為事真西山志其墓稱為純儒百揆少謹厚

苦志力學登甯宗嘉泰四年甲子省元嘉定十年丁丑進士初授從事郎太學錄晉符璽郎歷奉議大夫立朝侃侃屢疏條議國政與族人文奎該詔輩皆以直諫名未幾史彌遠矯詔廢立遂引疾歸禺山講學闢異端羽翼名教學者稱端懿先生理宗淳祐六年卒葬葛麓山明海瑞志其墓祀郡邑鄉賢子孫分居南順多以德業顯據番禺志廣州鄉賢傳參修

謹案阮通志云梁廷佐廣州貞烈傳宋禺山書院在省城城隍廟西鄰百揆嘗講學於此明海瑞讀書其中為百揆表墓瑞卒郡人並祀二先生于院後改武帝廟而浮屠居之二公位無存邑人薛起蛟陳恭尹捐貲修其子孫廢宅改祀于番山書院

陳息卿

據戴通志黃通志選舉咸淳十年甲戌進士作陳息無卿字大震從子云字鵬圖其先汴



梁人祖鐸宋承事郎欽宗靖康末扈蹕于杭遂入廣家于番

禺增城之間按息卿既為大震從子則應為番禺人後遷增城陳政即大震五世孫也息卿登度

宗咸淳十年甲戌黃龍澤榜進士授登仕郎歷僉書清海軍

副使所至有聲士民像祀焉息卿端方取予不苟世有顯德

祖夢龍知鬱林郡父炎震知建康府糧料院侍郎大震其諸

父也同登進士一時榮之裔孫道明太僕寺卿大章刑部尚

書堂光祿卿據潘楫元廣州人物傳修

謹案阮通志云番禺志無傳而息卿墓則云在陳家

村且志選舉云息卿沙村人前固屬番禺也

羅鑄夫順德人時屬南海生有異質日誦數萬言宋理宗景定中

以明經試省舉第一人是時廣盜鍾明亮寇南海鑄夫告諸

父老共為捍禦計鄉里賴之元代鑄夫不仕隱居教授終其

身及卒私諡曰義隱次子文鳳仕宋為都巡檢後辭去廣置

田莊三百頃好行義讓嘗募漢樊重之為人據粵大記羅司勳文集修

趙若舉香山人宋宗室有拳勇端宗景炎元年王師航海若

舉赴難授武翼大夫帶行在閣門宣贊舍人召募潮居里民

數百勤王擢廣南東路兵馬鈐轄宋亡元張宏範欲屠潮居

里若舉以一鄉民命為請于是潮居里民三百餘家賴以安

堵據黃通志修

邵繼賢番禺人天資明敏究心理學領宋理宗淳祐三年癸

卯鄉薦歷四川順慶府知府元兵日盛退隱贛州玉龍山宋

亡元世祖以先朝名臣徵之不出據金通志修

陳元輔陳英輔祖珠自汴梁謫南雄遷新會凌村祥興駐蹕

厓山兄弟獻粟數千石特旨建義士坊于其里元輔等遺戒



子孫不得仕元至明朝其裔經綸輩始顯同邑廖汝楫初仕學錄官至朝議大夫祥興駐蹕厓山倡義勤王出粟餉軍賜寶帶旌之

據厓山志修

陳猷其先汴梁人仕宋金陷汴遷南雄珠璣里至猷沈毅有遠識咸淳間見世事日非移家新會下峒而身返雄守祖墓德祐末率鄉人保聚景炎初助官軍及元人戰敗績乃歸下峒宋亡猷辟穀餌草木實囑子孫毋仕元元延祐初郡以其孫考充貢考廬山入明始遷邑定居焉永樂中孫璉拜司理死于安南黎利之難

據阮通志修

劉玉真東莞人景炎末熊飛兵敗避亂鄉曲入元後自以家世宋臣隱居不仕嘗作贈內一律曰春風休記舊繁華舉案園林樂事餘月引池光歸座榻雲含花氣入窓紗鹿門本是

龐公宅栗里誰尋舊令家相對莫論終歲計酒狂詩癖自生

據張府志修

吳應雷增城人骭髀負奇節海寇曹叔安等侵據增城應雷聚眾保障一方皆賴以無恐時朝命欲授以大將軍應雷守義不出退隱羅浮時值兵荒多癘疫施藥餌以療之出粟以賑飢乏所活千百人鄉邑德之

據張府志修

張惟寅東莞人登辰之子博覽墳典才譽颯發南漢劉鋹置媚川都採珠無所得溺死者甚眾元初復置焉人罹其害惟寅上採珠不便狀竟下所司罷採至今戶祝

據張府志修

元

董朴字太初順德人自幼博聞強記比冠師事樂舜咨劉道濟幡然有求道之志至元十六年薦為陝西知法官未幾以



親老歸養尋召太史院主事辭不赴仁宗皇慶初年踰八十以翰林修撰致仕卒年八十五其學自六經孔孟微言與凡先儒所以開端闡幽者莫不研極其旨故多心得事親以孝與人交一待以誠犯者不校家近龍江人稱龍江先生據姓氏譜修

陳韶孫番禺人父瀏以罪流肇州韶孫年十歲號泣願從父不能奪遂與俱往跋涉萬里不避勞苦過遼陽平章塔出見而閔焉語之曰天子寬仁罰弗及嗣邊地苦寒非汝所堪吾欲返汝故鄉汝願之乎韶孫曰既不能以身代父當生死以之歸非所願也塔出驚異以錢賞之成宗大德六年瀏死韶孫哀慟見者皆為泣下肇州萬戶府以聞命還里皇慶元年正月癸丑旌表據元史孝友傳仁宗本紀參修

張元俊字允超番禺水西人今從化少雋異不羣兄弟五人元

俊最少事諸兄甚謹家庭內雖誰如也平居厚重與人必信

鄉間訥曲直者片言剖析無不悅服或勸之仕嘆曰吾豈不

知仕進之榮哉飛鳥擇木吾將有所擇矣先世居番禺之石

井元俊以祖墓在水東乃徙居香家香山堡香家村在水西之東北十里粵大記誤

以為香山非是元季兵起嶺海騷動羣盜滿山居民請其兄元方保

障元俊毅然獨任立營堡圍以土城引泉水為濠塹散財募

兵為備山後諸盜不敢經其壘民以無恐廣東都元帥王本

肅元制廣東道有宣慰使司都元帥元史職官無王本肅名上其功以便宜授官元俊不

樂仕歸築園圃自娛晚尤好施遇歲凶則散穀以濟及年豐

人競償之卒不受也卒葬水西銀帶山子漢忠性亦端慤有

父風同時能衛鄉閭者徐國祿字德馨夏園人雄毅有智少



補武生官千戶寇畏之乘夜攻劫國祿起逐賊失足墮水死  
洪武二十一年贈義烈將軍張智字智卿紫泥人有司辟不  
就遇亂團義兵守衛洪武初征南將軍廖永忠下廣州率三  
山寨部眾三萬餘歸附永忠嘉之奏授虎賁左衛鎮撫又蘇  
孟昭者洪武十四年東莞湛采賊曹真與蘇友興倡亂孟昭  
悉力捍禦其鄉不陷於賊鄉人至今德之據郝通志廣州人  
物傳阮通志參修  
楊紹孫香山人宋提舉學士元規曾孫也與弟仲玉均究韜  
鈴之畧泰定元年海寇黎靜海為亂仲玉挾策謁宣慰使叩  
雲谷于海上大奇之命從軍仲玉與紹孫率勇士五百人赴  
軍門親與賊戰梟其酋遂大破賊以親老辭歸侍養至正歲  
饑紹孫與弟捐穀五千石賑貸後歲豐貸者爭償焉曰周窮  
恤匱吾心也償之何為遂却不受眾德之亭于所居之旁榜

曰麗澤兄弟同祀忠義祠據香山志修

單仲昇增城人父喪與兄同居養母至孝元武宗至大元年  
母鄭氏卒葬于藍山之原蔬食水飲廬于墓所三年服滿始

還行省以孝廉辟辭不赴據廣州人物傳修

盧宗文字子敏增城人文宗至順間以儒士授南雄路始興  
縣尹恤驛遞輕關稅清謹自持士民頌德改廣州路推官卒

明按察使綸其六世孫也同邑廖德彰長沙鄉人今屬龍門元末

任本縣教諭當嶺海繹騷建策保障民賴以安後退居青帽  
山耕讀為業明洪武十四年鄰境蘇友興作亂募義兵佐南

雄侯趙庸討之寇平復歸隱據黃通志修  
周修字望舒新會人博通經史既冠邑令辟為邑庠訓導修  
剛直嫉惡如讐值元季亂雖名門亦虧名節修遺書謂讓詞



語峭直賊帥黃斌見而大怒使人生致之時諸生之在門者咸相營救修曰死生命也安能屈辱以求活耶及擁至賊前閉目不為禮厲聲以犬彘叱之遂遇害至死罵不絕口時太常卿余觀國持節招撫江南聞而賢之目為義士云據廣州人物傳修

林文秀新會人元末黃斌作亂攻掠邑城文秀獨率眾保固鄉里避亂者或往依之先是真定劉德自四會避兵來依主簿徐民可共保縣治為斌所破遂與眾就文秀守北到時太常卿余觀國招撫江南嘆曰編氓乃爾知義哉因命其鄉曰崇節據新會志修

周偉字伯達順德龍江人仕元知循州兼勸農使後授靖江路總管治中子瑋瀧水縣尹父子存心恤物有令望據順德縣志修

蒲里翰字文淵其先西域人宋末祖魯尼氏流寓廣東至翰登泰定四年丁卯進士第至正四年由漕運副使知漂陽州下車不謁淫祠逾年建尊經閣及采藻皆春二亭於學宮政教響應嘗自銘座右曰敬以持身廉以報國儉以濟貧勤以補拙在任三年擢雲南廉訪司僉事瀕行民遮道攀轅不能留乃共立碑儒學及城隍廟以志去思云據漂陽縣志名宦列傳修  
區思本字道立順德陳村人幼失怙恃事繼母孝父母諱日痛哭如初喪刻志誦讀通詩書從吳萊遊能為詩古文詞元方賤儒術遂絕意不應辟舉至正亂起所在爭雄思本獨隱于耕自號遺安著傳見志終年八十七子祖華幼有至性力田養親洪武初民尚未獲安集祖華闢土築室居遷者為鄉約以完稅率閭里與同邑孔伯平古岡鄧林為詩友著有南



野亭集一卷嘗就其祖仕衡故居為大宗祠定祀禮有司欲以孝弟力田舉之以事親辭據歐虞部集修

羅蒙正字希呂其先廬陵人父稽叔游學新會遂家焉今隸新甯

蒙正資稟秀拔勤學強記諸史百家無不成誦弱冠從肇慶

羅斗明學詩斗明悉以詩法授之一載歸大有詩名縣尹沈

壽創古岡書院禮蒙正為師學者聞風雲集未幾領湖廣省

檄為高州文學願嗣協岡州遺稿作化州學正秩滿歸仍授徒于書院順帝

至正七年赴省城遇開武功銓人或勸其借註巡檢答以詩

云儒冠不是將軍具只作當年措大看遭元季亂避地郡城

館于憲吏趙式家式薦于司授南恩州教授州判吳元良亦

文士也素慕蒙正名一見歡如平生元良志併羣醜據有一

方欲用蒙正為幕賓蒙正識其志力辭不就後因病以詩謝

云願賜一屨間養病簡編燈火伴青衿未幾卒元良禮葬之

有詩集數卷傳于鄉據戴通志黃通志修

張撫字彥謙新會人羅蒙正弟子幼嗜學性敏強記年十八

賦厓門懷古詩蒙正器之洪武初以足疾不能行益留心經

籍知縣謝景暘構書堂于象山之麓俾邑人往受業扁其軒

曰養拙晚自號病叟人稱為象山先生其學以明理為要詩

文典雅不事巧琢其弟子不拘學之淺深皆識大要不問而

知為撫之徒也據戴通志修

梁曾甫南海泮浦人今順德智勇絕倫元順帝至正間舉江西

行省授番禺沙灣巡檢遭寇起鄉人詣藩臬舉曾甫可倚曾

甫受檄乃據形勢立柵壘流逋四歸發所蓄給之不足則以

已田稱貸取穀以繼之寇至則併力禦敵寇退則各事生業



鄉賴以安賊使人說降曾甫怒斬之賊率眾攻曾甫遂遇害

鄉人立廟祀之曰忠義祠

據黃通志修

袁清吉東莞人一日甥黎某過其門不下馬其兄祥吉責之

適王成構亂黎銜前憾譖曰里人無不服將軍獨惑于袁祥

吉不誅無以定眾成執祥吉加僂焉清吉詣營請曰願從將

軍丐兄養母撫幼姪清吉請代死成竟殺之聞者揮涕

據郭通志修

李天澤番禺水西人

今從化

大德間進士任新州總管府通判

性至孝操履清潔居官寬而能察威以濟惠盜賊聞其名不敢入新州界在事六載掛冠歸新民思之

據阮通志修

陳大謨字仲謀其先銅陵人父璽仕宋為機宜文字從端宗

入粵卒于廣州因家焉大謨性恬淡元初隱居番禺之五馬

山不樂仕進中歲以薦起家授秘書厯官戶禮二部郎仁宗

延祐中出為福建宣撫使會閩省蔡五九之亂戢禦有方事

平奏罷不便民者六事報可閩人德之累遷樞密副使五年

卒官賜祭葬葬巴由山中今其子孫散居南順各縣稱繁衍

云

據金通志修

阮泳香山人世祖至元初領鄉薦為邑學教諭遷惠州路學

教授學博行修一時視為儀表工古文辭以韓歐為宗子士

桂亦以文行名

香山志云同領至元元年辛酉鄉薦

其後同邑有趙梅南本宋

宗室善書翰浮游物外嘗作湖居八景詩自號意翁楊士元

據黃通志修

者亦邑人皆以詩翰鳴于時由泳倡之

李遇號安所新甯人李喬木七世孫元延祐進士官浙江甯

台海道在浙巖絕苞苴勤恤民隱不徇私不怯勢不念身名



苟可興一利除一弊者靡不為之解組之日浙人構祠奉祀

據張府志修

及歸家居遐邇戚族是非資其質成不入公庭云  
雷康壽字仁號惠民新甯人元武宗時膺鄉薦任瓊州府教  
授生平度量寬涵恭謹遜順尊疏長幼之間秩如也鄉間有  
忤之者概置勿校而周恤貧乏尤亟亟焉鄉薦已登猶力學  
弗輟迨掌教瓊州卻脩脯勤講課遊其門下者莫不景仰風  
規多所造就今子孫蕃衍衣冠不絕

據張府志修

簡祖英字世英東莞人學問該博有才畧事元為江西都省  
員外從左丞何真起兵保護鄉邑平邵宗愚功居多廖永忠  
收廣東徵祖英赴闕錫燕賚纁帛拜建平縣知縣以母老辭  
歸其表畧曰臣九歲失怙惟慈親鞠育逮長知訓冀用世以  
酬罔極之恩臣之志也向以叨食元祿為何左丞參佐值三

山強寇剽掠廣城一門妻子死節五人而老母陳氏為所拘  
囚臣祖英隱忍不能即死愧于石苞之殉國多矣茲遇聖朝  
維新征討不服率土効順咸蒙嘉休乃者三山逆虜悉嬰鈇  
鑕臣母得以生還雖不孝之罪難逃而得以展區區羝烏私  
情者陛下賜也臣母子離散得完銘感聖德澈于肝肺雖九  
死其能報耶陛下又復甄錄寄以民社此正臣隕首思效之  
秋也而臣俛顧自慚不敢拜命者以罪戾已深不宜職在民  
牧欽惟聖朝以孝道治天下以仁心懷遠人臣經事元朝幸  
已逃誅母年逾耄孤苦特甚尤宜惻怛而欽恤者也伏望聖  
慈矜其愛日之短俾遂歸養之願則臣母子拭目清平謳歌  
德澤為賜多矣臣年四十有九母年八十有一鶴髮垂堂西  
山之日已薄苟違親而事主陛下安所用之果盡奉歡之期



然後復求仕進以盡忠罄節非惟盡人子之私亦聖朝孝理之道也上俯從之時上方以道德風勵天下凡元朝降臣始雖榮遇終必擯辱名士如危素張如甯輩皆所不免祖英之見卓哉又有高彬者字文質南海人何真部曲也仕元至萬戶佩金虎符人明為走江湖乃巨賈徵為武職固辭久之把筆學為詩有奇語孫蕡稱之晚年日坐一小樓讀易不知身之老也號蟾溪云

據廣州人物傳修

黎獻字子文東莞人性警敏富學問弱冠授徒一依紫陽白鹿規為教士聞風來者戶外之屨恆滿暇取經史子集與埤雅小說摘其的對語編為事類蒙求對偶切要見者稱賞別號拙翁人稱拙翁先生

據黃通志修

張復禮字禮庭黃岐角人鄉皆張姓環居室廬櫛比讀書聲

相聞祖一飛通周易會萃諸家折衷之士大夫推為宗伯號黃岐張氏易父彬甫與兄鄰甫世其業復禮薰炙家庭之教易學益粹發為大義頃刻千餘言出入程朱二氏無乖謬者以漢儒為拘泥或流于術數絕不喜之時科目方盛人謂復禮學成爵祿可引手致復禮曰學易者知吉凶悔吝而已何官為念村居見聞孤陋乃築室郡城俾諸子就名師儒遊至正二十一年卒年六十一子度峻熙洪武元年葬復禮于增城縣西章山因家焉後子孫遂為增城人

據宋濂張府君墓誌增城志參修



南海李徵霽分纂 南海梁 起初校 番禺金佑基再校

番禺史悠泰三校 順德羅 槩四校

廣州府志卷一百十四終

廣州府志卷一百十五

列傳四 明 南海

謹案明後人多分縣易於檢閱今惟卷首書某縣人至卷末則書以上某縣餘多刪以省繁謹登其例於此

關敏

鄧佛德

張仲賢

番禺蘇孟昭

區禹民

族子忠

吉

體原

劉萬石

孫蕢

王佐

彭通

鄭毅

唐豫

父奎

子璧

周新

梁宏

梁孟祥

岑子原

劉士傳



黎和

彭森

顏宗

廖謹

胡濟

王子倫

子載 貫 貫子觀光

鍾順 子學 程勉

禧 易善

戴璉

李嗣

吳讓

何楚英

何卓

梁廣

張褰

蕭墳

陳騏

鄺文

弟才 族人 彭齡 郊叔華 郊弟頤 郊姪立方 鎮

龐從

馮遵

孫尚龍

子濟

唐盛

鄺鼎

黃皞 子學 裴 溥

學準 鶴齡 學矩 延年 學準子潛

鄧應仁

梁方

陳秉德

熊季芳

從子一瑛

陳庸

孫棐 陳冕 黎潛 順德 蕭倫

馮載

子教 徽 孫士懋 曾 孫良棟

黎鼎

梁貞

謝佑

吳璉

子允禎 允祿 允裕 允裕子維鎮 孫光龍

胡澧

陳希文

倫文敘

子以諒 以訓 以詵

黃衷

父璉

鄭應文

明

關敏南海黃連人今隸順德元順帝至正末豪民各分據鄉土敏亦舉義獨奉約束不同於亂屯聚保境縣賴以安洪武元年征南將軍廖永忠駐兵於廣敏舉全城歸附民悉復業惟龍



潭未平時南海賊馮簡等行劫龍潭敏率鄉民為官兵嚮導擒獲蘇世祿等首從百餘與龍山鄧佛德聲氣相望永忠賞其功授署巡檢世祿餘寇復攻陷其鄉敏力不能支死之一門被害者二十餘人有司旌所居曰表忠里永忠更曰忠義鄉構忠義亭以表之免其徭役二年永忠以其事上上以其存日未授官而能仗義討賊歿於王事錫誥命以褒贈之仍命有司立祠祠曰敦義在黃連歲時祭祀郡人孫蕡記其事日元季酋割險角起為寇南海關敏氏以義勇戍土保民死于事洪武紀元春征南大將軍廖公行師納降討叛開拓疆宇征南公以其忠義具實聞於朝奉敕贈教武校尉兵馬司副指揮立祠以每歲秋九月祀之命下郡守徐公親督其事再閱月而廟成報其忠也其復為忠義詞以贊之據廣州人物傳阮通志修

鄧佛德字慈航龍山人

今隸順德

少與孫蕡同學淹貫經史尤善談理數元至正間詔官不就隱西樵山有黃衣道者曰與往

來居人異之中原兵起嶺外騷動東莞何真首倡義保障德與語大悅至正十三年龍潭盧善實三山邵宗愚各據鄉土自稱元帥將掠黃連龍山等堡德與黃連關敏同倡義障守賊數犯不能害洪武元年征南將軍廖永忠下廣州德測演數象知真命有屬致書何真歸附比永忠至率眾從之獻策擒善實餘黨蘇世祿負固德復與關敏張仲賢摻捕斬百餘人軍聲大振後敏被賊殺德亦被數十創奮身力戰獲渠魁斬之龍潭悉定永忠嘉德謀勇命署龍潭巡檢佐胡通鎮守尋加定遠將軍卒於官據龍山鄉志阮通志修

張仲賢黃連人

今隸順德

少涉書史見義勇為洪武初同關敏破

龍潭餘賊敏死仲賢力戰獲免十四年東莞湛采賊曹真反朝廷遣南雄侯趙庸總兵往討命仲賢率民兵為嚮導仲賢



駕舟設機先進奪其港口摧賊前鋒官軍戰艦乘潮繼至賊眾大潰庸復遣仲賢率眾援東莞舟經海口賊憚其驍勇悉眾攻之力戰及暮死之賊為仲賢殺傷者亦數百人賊既平庸嘉歎其忠泊藩閩皆遣祭而表其門時賊帥蘇友興真部屬也勢亦猖獗番禺人蘇孟昭增城人湛懷德陳仲光捍禦之有功且保其鄉里使不陷賊鄉人至今感德其智勇皆足尚云

據廣州人物傳修

區禹民陳村人

今順德

曾祖士衡有傳禹民性剛直為鄉人信

服元季土豪相聚為亂禹民偕其族子忠吉體原率眾立砦保障鄉人賴之洪武初廖永忠下廣州禹民等首請歸附永忠令保障如初副將軍參政朱亮祖陷於山南賊中永忠令禹民忠等為嚮導破出之事平禹民等人朝詔授禹民知汀

州府以資高辭更授仁風鎮巡檢吉授彰德衛百戶忠與體

原不仕而還

據廣州人物傳修

劉萬石始祖逢時自浙徙廣唐僖宗朝為廣州偏帥後復遷於官窰村遂世居官窰萬石生而有才能涉經史居家力行孝友丁元季亂常有保障鄉邦之志鄉人競歸之及洪武改元行省汪某檄縣推舉義民築墟以防水患於是萬石首應之仍捐己資三百兩集眾鳩工以至麻奢白石為堡者十九地方百里悉設墟岸凡三年告成其裔蕃衍迄今有以文學著者

據張府志修

孫黃字仲衍號西菴遠祖天球宋參政慶元間謫南雄子熹贅嘉涌三傳曰瑩遷平步則黃祖也黃性警敏書無所不窺詩文援筆立就初若不經意而氣象雄渾與喻深致駸駸乎



魏晉之風負節概不妄交游何真據嶺南開府辟士與王佐  
趙介李德黃哲竝受禮遇稱五先生廖永忠南征黃為真草  
降表永忠不戮一人而南海帖然者黃之力也永忠辟典郡

教事洪武三年庚戌始行科舉廣州人物傳獻徵錄皆云黃  
對大廷皆在前列賜進士出身南海順  
德志黃佐通志題名碑皆不志進士黃與其選授工部織

染局使遷虹縣主簿兵燹後勞徠安輯民多復業居一年召  
為翰林典籍為宋濂樂韶鳳詹同輩所稱名籍甚日侍上左

右奏對敏便容觀飄逸濂輩皆自以為莫及八年與修洪武  
正韻嘗應制賦醉學士歌稱帝意九年遣監祀四川居三載

求補外出為平原主簿坐累逮繫有旨輸左校俾築京師望  
都門城垣黃謳唵為粵聲主者以奏召見命誦所歌詩語皆

忠愛乃釋之十一年罷歸益肆力於問學有輕死生齊物我

之意嘗和陶潛歸去來辭以寫其情十五年起為蘇州經歷

蘇為東吳劇郡素號難治黃贊畫有方政用大和以事坐累  
戍遼東怡然就道酌酒賦詩無異平日已大治藍玉黨黃嘗

為玉題畫遂論死人皆勸其以疏自明黃不答臨刑作詩長  
謳而逝天下冤之年五十有六時門生黎貞亦戍遼東收黃

屍葬於安西之陽黃所著有通鑑前編綱目七卷孝經集善  
一卷理學訓蒙一卷西菴集八卷和陶集一卷集古律詩一

卷孝經集善宋濂為之序多佚不傳其詩文今行於世者為  
黎貞所編番禺趙純稱其究極天人性命之理為一時儒宗

云據明史本傳廣州  
人物傳黃通志修

王佐字彥舉其先河東人元末侍父官南雄經亂不歸遂占  
籍南海與孫黃結詩社於南園開抗風軒以延一時名士佐

廣州府志 卷一百一十五 列傳四



才思雄渾體裁甚工黃甚重之何真開署求士與黃首被禮聘使佐掌書記參謀議豪帥李質據肇慶真恐其異志遣佐黃二人往說之遂修好質愛士重文士多歸之知名者則有江右伯顏子中茶陵劉三吾建安張智佐還言於真遣使招致士以一藝名者真皆館穀之嶺南人文號極盛真歸朝佐亦還里洪武六年徵為給事中論思補闕恒稱上意太祖賜宋濂黃馬為歌命侍臣屬和佐立成有臣騎黃馬當赤心句上喜賜鈔一錠上游幸或遇會心處多命之賦詩劉三吾嘗同詠署中桂驚其才語高妙以為名世之作其為名流所重如此性不樂樞要居官二載將告歸或尼之乃遲徊二年卒乞骸歸上憐其誠特命所請陞辭日賜鈔五十千以為道路費士林羨之蓋天威嚴重臣僚自陳者多被譴斥佐以恭順

得歸故當時以為難云佐天性孝悌父沒時有廖元正為料理喪事殯諸南雄之五里山終身事之如父既貴後元正之子犯法言於有司以已資贖之終身哀慕形於著述有聽雨軒集瀛洲集多散逸郡人彭森刻於建安者僅詩一卷評者比之高適岑參

據明史本傳廣州人物傳黃通志修

彭通字萬聖蚤失怙恃力學工詩隱居教授從之游者常數百人洪武四年由儒士舉南海志選舉作三年庚戌拜給事中參劾封駁正直公嚴同列皆以為莫及時上方嚮文俾侍左右應制詩思敏給嘗和御製醉學士歌稱旨九年轉監察御史奉命巡京郡薦拔賢才攻擊貪暴有能聲用事者以金帛賂之辭不受陞山西布政司參政單車赴任以公廉滌積弊河東運司官匿羨餘不以實聞廉得其情真於法朝廷錫鏹旌之有吳



印者本五臺寺僧也任陝西方面以材辯受上知嘗譖殺按察僉事張丁家人橫肆諸藩臬事之唯謹偶以事干通通正其罪斥辱之條其事以聞上不之罪也尋致仕卒於家通為人恭謹外柔而中直為政不事儼察而舉刺動無遺失一時稱賢監司同時為監察御史者有南海鄭毅亦名士也毅字德宏洪武三年庚戌鄉貢進士嘗按八閩以清直稱才思敏瞻世言能詩者必曰鄭御史

據廣州人物傳修

唐豫字用之平步人

今順德

父奎字景文洪武初鄉貢授增城

教諭博洽羣書人號書櫃有龜峯集傳於世湛采民作亂往諭以義不從罵賊死豫生而穎悟少從孫蕢遊作詩文有古人風性剛介交友盡義尤篤於孝嘗作蓼莪亭主事劉履為之記隱居授徒自號樂澹學者稱樂澹先生與東泉周祖生

南軒周祖念節庵劉子羽芸庵何淮素庵劉子高號平步六逸皆衣冠嚴肅為世所欽嘗定鄉約因鄉閭所易曉者而裁制之使簡易可循行之一年爭訟息久之頽俗漸革布政參議陳贄懿其女行待以賓禮贈以詩有百鳥羣中孤鳳凰之喻及贄改太常卿去執手泣別不能舍謂曰卿吾三益也其忍一日違耶子璧文行酷類其父母區氏瞽不能自食璧執匙筋養之後遇神醫復明人以為孝感公卿欲薦之力辭焉築主一齋遠近尊師之每訓子弟必使端立正坐出入規矩然後授以句讀或尤其迂闊曰文藝末事耳苟不收其放心其何以為受教地耶正統己巳之亂避寇佛山為其鄉人畫策賊不能入皆有集傳於家

據廣州人物傳粵大記修

謹案阮通志云戴志謂陳贄待以賓禮為唐璧云



周新初名志新字日新成祖常獨呼新遂爲名因以志新字世居廣州南郭外高第里洪武中以諸生貢太學建文元年己卯鄉貢進士授大理寺評事以善決獄稱成祖卽位改監察御史敢言多所彈劾貴戚目爲冷面寒鐵京師中至以其名怖小兒永樂元年巡按福建奏請都司衛所不得凌府州縣府衛官相見均禮武人爲之戢二年改按北京時令吏民罪徒流者耕北京閒田在監禁中往復待報多瘐死新請從北京行部或巡按詳允就遣以免淹滯且命畿內罪人應決者許收贖所奏悉允還朝三年九月擢雲南按察使未赴改浙江寃民繫久聞新至喜曰我得生矣至果雪之初新入境羣蚋迎馬頭跡得死人榛中身繫小木印新驗印知死者故布商密令廣市布視印文合者捕鞫之盡獲諸盜一日視事

旋風吹葉墜案前葉異他樹詢左右獨一僧寺有之寺去城遠新意僧殺人發樹果見婦人屍鞫實磔僧一商暮歸恐遇劫藏金叢祠石下歸以語其妻旦往求金不得訴於新新召商妻訊之果商妻有所私商驟歸所私尙匿妻所聞商語夜取之妻與所私皆論死其發奸摘伏皆此類也境中有虎害爲文告城隍須臾得虎格殺之新微服行部忤縣令令欲拷治之聞廉使且至繫之獄新從獄中詢諸囚得令貪污狀告獄吏曰我按察使也令驚謝罪劾罷之錢塘知縣葉宗人號廉能嘗偵之入其居無長物惟厨中笠澤腊魚一束其家所寄者也袖少許以出明日召飲出示葉葉益砥礪號錢塘一葉清後卒於任爲文躬祭之哭之甚哀以彰善也有餽鵝炙者命懸之堂後有遺者指示之無復有以毫髮干者其後寮



案或受於人必問曰冷面寒鐵公知否十年浙西大水九年  
湖州府無徵糧米十七萬二千四百餘石所司一概催徵民  
日逃亡通政趙居任匿不以聞新奏之夏原吉為居任解帝  
命覆視得蠲賑如新言嘉興賊倪宏三黨數千人累敗官軍  
新督兵捕之列木柵諸港汊賊陸走追躡之桃源繫以獻當  
是時周廉使名聞天下錦衣衛指揮紀綱使千戶緝事浙江  
攫賄作威福新欲按治之遁去頃之新齋文冊入京遇千戶  
涿州捕繫州獄脫走訴於綱綱誣奏新罪帝怒命逮新旗校  
皆錦衣私人在道撈掠無完膚既至伏陛前抗聲曰陛下詔  
按察司行事與都察院同臣奉詔禽奸惡奈何罪臣帝愈怒  
命戮之臨刑大呼曰生為直臣死當作直鬼竟殺之考明朝  
典彙云  
永樂十年十二月事他日帝悔問侍臣曰周新何許人對曰南海帝歎

曰嶺外乃有此好人枉殺之矣後帝若見人緋衣立日中曰

臣周新已為神歲鈔云帝問汝誰新曰上為陛下治奸貪吏

云後紀綱以罪誅事益白新妻有節操新未遇時縫紉自給

及貴赴同官妻內讎荆布如田家婦諸婦慚盡易其衣飾新

死無子妻歸貧甚巡撫楊信民曰周志新當代第一人可使

其夫人終日餒耶時賜給之景泰初妻死於家浙人仕廣者

皆會葬據明史本傳雙槐  
歲鈔阮通志參修

梁宏字廓之少穎敏以弟子員貢入監以學行知名司業劉

崧試其文稱為奇才堂友長亦皆推重將省親歸蒙由道輩

求方孝孺為南士之說以送行永樂改元遂不復仕據黃通  
志修

梁孟祥龍頭堡人今順  
德性至孝永樂初父以吏事長流口北

孟祥甫四歲攜出牆屏之下語之曰吾遠行恐無還期兒別



我矣其父果不還孟祥自後歲時拜於牆屏外拜則泣終身無不然歲久牆污壞人令毀之孟祥不肯曰猶彷彿見吾親也年甫壯喪妻不更娶終其身

據廣州人物傳修

岑子原永樂初為錢清北壩官廉介勤敏役夫餽酒肉悉却之敝袍蔬食處之怡然政暇必兀坐讀書人謂子原卑官而

清操獨立為可異也

據浙江通志修

劉士傳字習之明經積學不求聞達永樂元年有司聞其名舉儒士出授兵科給事中屢言邊事文皇嘉之授陝西布政

司左參議巡行固原建議備邊或以為迂轉授福建邵武知府公勤廉慎與學勸士多所造就郡人德之

據八閩通志修

黎和字伯英少警悟能文美風儀事親以孝謹聞與孫蕢唐豫友善元季避地槎溪歲凶竭力以給供養雖當亂離手不

釋卷親沒廬墓三年復業還夏溪闢萊蕪以耕吟嘯自如嘗

揭八行為家訓鄉人化之捐貲建永安橋二以通利涉永樂八年庚寅辟茂才至京以老疾乞歸一時名士多從之遊

據郭通志修

彭森字伯森少孤貧為郡諸生所服襤衫破以紙補之有司見而憫焉為給燈油飲食使力學森以是得肆力於書援筆

萬言皆中規獲永樂十二年甲午鄉舉第一明年乙未登進士授山西道監察御史陞福建參政始末第時聘同里女蓋

卑賤人也及得解其家以寔辭親戚復以女貌陋止之森不可竟成婚恩愛甚篤生子皆賢有舉於鄉者

據獻徵錄廣州人物傳修

顏宗字學淵永樂二十一年癸卯舉於鄉仕福建邵武知縣為政平易愷悌以救荒憫旱為先增置義倉儲粟二十餘萬



石歲遭歉計口給賑民無阻飢嘗大旱齋沐徒行百里禱於神雨大注歲遂稔民有吳姓者垂死託其子鐵牛於所交育之一日鐵牛爲人所殺聞於官邑貳執所育者抵罪其人稱冤宗疑之積誠告城隍夢有人訴曰殺牛者驢也明旦召耆老訊之果有親屬幼喚邱驢者亟捕得之一訊具服人稱神明沙尤寇鄧茂七作亂王師討之渠魁旣得餘黨據險弗服當道委宗招撫宗率耆老數輩直詣賊所賊眾皆泣謝聽命散爲良民所活七萬餘人景泰辛未九年滿考無公私過獲馳恩父母陞兵部車駕司主事三載署員外郎奔母喪歸卒於途宗善畫山水爲世所重

據黃通志修

廖謹字慎初葛岸人

今順德

恬靜力學凡經史百家之書靡不

淹貫不妄交遊以澹交名其齋永樂中學士解縉出爲交阯

參議嘗遇謹與之共論若繭絲炙轂出出不窮縉不能有加也爲謹題西樵讀書處有曰反身循理懲忿窒欲敬之敬之如金如玉稷契皋陶何書可讀蓋以聖賢事業期之也當是時讀書山中名聞公府識與不識皆曰廖五經以明經舉爲四會訓導後轉通山教諭皆有教績性樸實不能諛上官人或以俚語笑之爲古必謂泥古不通也乃作古必解以自嘲久之陞南安府學教授致仕卒其教人以執禮爲先羣從兄弟嘗受學者終身莫敢雁行立從子珣宣德八年癸丑進士至通顯事謹猶執服役人以是高之所著有澹交集藏於家

據廣州人物傳修

胡濟字孟時以學行知名仁宗洪熙元年廣西道御史胡啟先以賢良舉授廣西布政司檢校英宗正統三年廣西按察



司僉事王凱以廉介學優薦授廣西理定縣知縣流民來歸  
調平南縣界大藤峽民雜犺獞不時侵掠移竄者多濟築城  
衛之民始奠居九年廣西總兵官韓觀征剿大藤峽賊平南  
之大同明化二里民多就俘者濟力為民辨蒙活者二千餘  
人民懷其德以疾卒於官

據張府志修

王子倫名綱博學積文有名於時宣宗宣德初以御史何善  
薦授長沙之攸縣丞政惠及民時草寇蕭彥真剽掠子倫與  
百戶張本捕之抵衡山遇寇與戰失利中有引矢向子倫者  
眾呼曰王父母君子人勿傷遂得免通政陳璉薦知江陰縣  
廉名益著僅初考都御史陳智聞其學守疏舉之有旨內召  
邑人黃惇素等千餘人遮道留不得乃脫其靴懸於譙門以  
示不忘至京授河南道御史以直聲著英宗正統間巡按雲

南以疾卒吏部尚書魏驥表其墓稱為廉能吏賢法司云二  
子載貫載能文章隱居不仕貫字宗一有詩名由鄉貢任南  
平知縣卒貫子觀光舉人亦能詩而子倫所著有彝齋集

大記修

謹案阮通志云黃佐通志南海志選舉皆云子倫與

胡濟皆舉賢良科貫與觀光父子同景泰庚午科

鍾順字必華

順德志作伯華

龍山人

今順德

宣德七年壬子鄉貢進士

景泰中知沔陽州江西凶人周禮洪能起大獄為患荆沔順  
以計召視奏疏叱其不恭杖殺之監利縣民越境而訴者凡  
百有七十人受理聽斷咸得其情監利民為立生祠於滄浪  
之上後終廣西太平知府能為聲詩人多傳誦順長子學工  
畫白沙有題其春草詩季子禧與李承箕友善及卒承箕輓



焉白沙和之先是同邑易善永樂二十一年癸卯鄉薦爲給事中出知岳州府政尙寬厚決訟明察凡案牘一目洞然吏不敢欺進湖廣布政使景泰中引年卒於家程勉永樂十二年甲午鄉薦仕江西理問廉介勤慎決獄無私擢御史按江西有能聲後丁內艱哀毀卒三人者皆起家鄉薦以致貴顯有赫赫聲然惠及鄰邑去後見思世皆評順爲最據阮通志修

戴璉字汝器南海人少穎悟爲郡庠弟子一時名公咸以遠大期之素有詩名所同遊者如關譽涂轍輩皆蜚聲吟壇尋領正統三年戊午鄉薦登己未乙榜授羅城訓導僅二載卒時稱清節先生子縉南京工部尙書

謹案南海志戴縉另有傳阮通志刪之今從阮通志李嗣字克承號介軒性端謹質幹魁梧年十三爲庠生識者

知爲偉器正統十二年丁卯鄉薦景泰五年甲戌進士授南京戶部主事催督南畿江西積欠輸賦不勞而集乃奏增大臣一員專董其事遂爲例署郎中事時五城兵馬司妄奏房鈔都稅司侵剋公課蠹政戾民嗣參提兩正其罪士民快之尙書張鳳重之欲薦代已會鳳卒不果尋實授郎中出知金華府下車之始適行鄉飲酒禮有司設主席殺核視賓十倍遽命撤之由是吏民知風旨終任不敢干以私郡俗婚嫁論財生女多淹殺嗣嚴其禁後舉女者必字以李云奏立正學書院祀先儒王何金許四賢重修呂東萊張南軒朱考亭會講麗澤書院俾郡人知所嚮慕治地僻遠民苦賦役奏請割三郡近地設湯溪縣隸本府以便之壬辰入覲課優等遷浙江右參政尋轉左築長堤以禦紹興甯波海漲二郡民賴其



利又上軍政數十事皆行之晉福建右布政使漳州有狂生得幻術醉後能人役草木邑吏上變藩臬議舉兵嗣日討之是激其反爾單車至其家縛以歸一省帖然轉左布政使十七年辛丑入覲道經金華民爭迓之攀轅涕泣不忍舍淮南蔣誼為文刻石路左以昭功德十九年遭內艱以蘇松多事奪情起為都察院左副都御史巡撫其地首陳事宜降勅嘉獎所至百廢具興召還授戶部右侍郎孝宗即位乞休不許轉左侍郎時有言兩淮鹽法不舉虧損邊儲者奉璽書督視兼都察院左僉都御史以行悉心羣務遂感疾上章乞歸詔乘傳還第俟瘳起用宏治七年甲寅卒年六十九訃聞賜葬祭為人孝友器量宏重見義敢為遇事有斷居官三十餘年田園無所營增沒之日篋中白金十兩而已登第後祖業盡

與兄弟俸餘均宗黨有司請大其居力辭之內艱抵家有司致祭却贖金千兩巡撫蘇松時約束家人無得外接富民賄隸請見其子嗣聞之即遣子還粵其廉介如此鄉評謂始終有守者必曰李都憲何中美二人子辰以蔭為國子生

據黃通志

廣州人物傳  
粵大記參修

吳讓字克讓正統十二年丁卯鄉薦景泰五年甲戌進士初授廣西臨桂知縣以清慎知名巡撫都御史葉盛獎異之英宗天順三年己卯陞慶遠府知府未及三年由縣陞府前此未有也慶遠處極邊所轄三州皆土官各餽白金三百兩為贄讓悉辭不受南丹知州莫必善倍前數以懇之讓口占曰貪泉爽酌吾何敢暮夜懷金豈不知寄語丹州賢太守元封回贈莫相疑居一年卒年四十八人皆惜之

據粵大記廣西通志參修



何楚英字邦佐正統十二年丁卯舉於鄉卒業太學拜陝西道監察御史天順初天變詔求直言上疏條陳四事其言皆切近平直又劾閣臣曹吉祥擅作威福會大祀督光祿寺厨人竊蜜事發正之以罪吉祥緣此中傷之下錦衣獄拿問枷號三月降廣西貴縣主簿成化初巡撫韓雍用楚英剿賊獲賊文清等以功陞潯州府同知仍掌貴縣又以運糧積勞陞柳州府知府城舊土壘至即易以巨石民倚為安丁內艱起補太平府值郡學久廢捐俸新之以弭盜濟時得上考滿任陞廣西參政越二年去官卒年八十有二據阮通志修

何卓有神勇黃蕭養之亂焚劫至大沙卓率眾邀擊之賊矢蝟集卓搏矢反射皆應弦倒賊偵知卓好畜懸哨鴿偽遁去使善射匿叢薄中鳴鏑擬哨卓方傾聽遂中鏃墮河死村人

祠祀之曰何相廟

據張府志修

梁廣字南園賦性嚴厲處事公平鄉里信服明正統十四年廣年七十有四時黃蕭養反獄為大盜逼民從逆廣倡大義與同志二十一人出貲財制器械率子弟拒之賊至守禦未備乃使其子柏堂等數十輩說賊還省城連夜撤屋為柵浚田為塹越數日賊復至遂與之戰殺偽千戶彭文俊等三人賊益怒聚八百餘艘攻佛山勢甚猖獗廣等用飛鎗大銃摧破賊陣斬獲甚眾各鄉人民來避難者日以萬計卒成保障之功事聞褒賞義士以旌異之今靈應祠右有流芳祠崇祀二十二老以廣為首云據佛山志修

謹案佛山志祀忠義流芳祠者梁廣梁懋善霍伯倉梁厚積霍佛兒倫逸森梁濬浩洗灝通梁存慶何燾



凱洗勝祿梁敬親梁裔堅倫逸安譚履禎梁顥梁彝  
甫洗光鑑何文鑑梁裔誠霍宗禮陳靖凡二十二  
人其事蹟大約相同茲不具錄

張褻性慷慨多大節少時屈首受書久不得意乃棄去署籍  
藩掾事左布政陳選以誑誤冒法被黜乃歎曰是吾罪也久  
之選以抗節觸怒中貴韋眷有旨逮問時勘官李行媚眷以  
褻必憾選賂之不可乃連逮之拷掠數百終不服遂文致其  
罪繫累同選赴京行至南昌選病篤李行不爲醫療幸選死  
以報眷褻憤欲絕顧念選之所以得白者徒以有口在也乃  
上疏曰臣聞周公元聖而四國之謗乃致上疑於其君曾參  
大賢而三至之言不免搖惑於其母是豈成王之不明曾母  
之不親哉凡以口能鑠金而毀能銷骨也陛下臨御區宇明

並日月恩同父母詎圖怙冒之中尙罹屈抑覆盆之下復有  
沈寃竊見廣東布政使陳選素崇正學夙抱孤忠才處羣邪  
之間獨立眾慚之地太監韋眷通番敗露知縣高瑤按法持  
之陳選移文嘉獎以激貪懦固監司之體也奈何宋雲徐同  
愛怯勢保姦首鼠兩覷以致韋眷橫行胷臆穢清節熒惑  
聖明勘官李行承眷頤指鍛鍊成獄竟無左驗臣本小吏以  
誑誤觸法爲選罷黜實臣自取非選有加於臣也眷乃妄意  
臣必憾選以厚賄啗臣令扶同陷選臣雖胥徒亦知廉恥安  
敢欺昧心術顛倒是非眷既知臣不可利誘乃嗾行等逮臣  
於理彌日拷掠身無完膚臣甘死籲天終無異口行等乃依  
傍眷語文致其詞劾選勘災不實擅便發倉曲蔽屬官意圖  
報謝是毀共姜爲夏姬詎夷齊爲盜跖也本年嶺外地震水



溢漂民廬舍屬郡交牒報災老弱張口待哺而撫按藩臬若罔聞知選獨抱隱憂食不下咽謂展轉行勘則民命垂絕其何能待所以便宜議賑志在救民非有他也選素剛正不堪屈辱為勘官凌侮憤懣成疾旬日而殂李行幸其就死不為醫療又潛遣養子密以選死報眷以快其忿小人佞毒交結權倖一至於斯司寇之屬要在詰奸刑暴安取此輩為也夫選砥節奉公橫罹讒構君門萬里孰諒其冤臣以罪人擯斥田野秉耒自給百無所圖敢冒死披陳甘心鼎鑊者誠痛忠廉之士銜屈抑之冤長讒佞之奸為聖明之累也奏入上為感動事遂釋復選爵張敷小胥也為法受過既已賢矣而白陳公之冤雖貫高之義何加焉韋眷刑餘無足比數而李行非衣冠而犬豕者乎狐鼠深穴相與比周自昔而然非果斷

烏能勝哉

據阮通志修

蕭墳字孟韶景泰元年庚午

戴通志黃通志俱作癸酉

鄉薦筮仕四川合

州州西南濱涪江苦水患墳於上流築長堤以捍江水灌漑田疇民獲其利廉能大著擢應天府治中授奉議大夫卒祀

合州名宦

據黃通志四

陳騏字夢祥少喜技藝工畫能醫有司羅為醫生使人獄視重囚騏恥之乃學舉子業景泰七年丙子舉於鄉天順丁丑連登進士拜大理寺評事晉左寺副修撰羅倫以剛許之出為江西僉事發奸摘伏有能名分巡嶺北民病瘴以藥活八百餘人勘虛糧明經界均徭役民不敢欺有病死歸以被踢殺告者騏視而折之曰傷必有血蔭今肋骨形彎內黑外彼能自內踢耶煮皂角水洗之黑色盡去獄遂決巡九江以南



凡清出虛糧十八萬三千餘石儲贖罪穀備賑濟至二十一萬六千石有奇以各道罰罪銀市材倩工修理學校祭器七十八所毀淫祠九十七區百姓以陳打鬼呼之陞雲南副使鎮守太監錢能家人不法為騏所制遂訐奏之落職家居年八十餘卒騏性勁厲自許晚年論名理與張詡論不協著為魚辯原學諸篇蓋自有所得云

據獻徵錄阮通志修月山叢談載騏為江西僉憲初至

夢有一虎帶三矢登其舟覺而異之會按問吉安一女子謀殺親夫事有疑初女子許嫁庠生某女富而夫貧女家恒周給之其夫感激每告其窗友周彪彪家亦富聞女美欲求婚後貧士親迎彪與偕行諺謂之伴郎途中貧士遇盜殺死從行者皆驚散而貧士之父疑女家嫌其貧使人要路而殺其子以求他適遂訟於官問者不察因按女有奸而謀殺夫騏取貧士之父問之止得其畧但云女與人有奸不得主名穩婆驗其女又處子乃謂其父曰爾子在學與誰最密曰有周彪者騏因思曰虎帶三矢而登舟非周彪乎况彪又伴其親迎夢為是矣越數日偽移檄下吉安取有學之士修郡志彪名在焉既至騏飲之酒半獨召彪後堂屏左右引彪手歎息陽謂之曰人言爾殺貧士將娶其妻吾憐汝有才且此獄一

成不可復反汝當吐實勿欺吾則救汝彪錯愕戰慄即跪而悉陳之騏錄其詞潛令人捕同謀者一訊而獄成一郡驚以為神騏為人慷慨多大節羅一峯詩云舉世皆婦人惟公獨男子其人可知矣後遷雲南憲副竟以繩監軍失官今詩卷尚藏其家

鄺文字載道大鎮鄉人父宏善詩與陳獻章廢和淡於勢利二子皆入官其貧如舊獻章以三代遺老稱之文天順三年已卯鄉薦成化二年丙戌進士歷御史奉命通州查盤奏劾外戚培剋謫黃巖令挫豪猾完逋負禁溺女捕劇盜以最擢懷安府同知丁內艱起補大名府調漳州府居官廉明剛果吏胥無所用其奸民有通番舶行劫掠者嚴行禁止為政未究而卒弟才字時用成化四年戊子鄉薦任嚴州同知廉介公明清軍伍定徭役嘗刻嚴子陵釣臺詩行世族人郊字子野成化元年乙酉舉於鄉除北京禮部司務陞南京工部員



外郎中以清操著疏諫不宜寶異物花木鳥獸一切當屏絕  
帝嘉納之繼疏罷西廠糾劾宦官直節凜然家世清白其叔  
華景泰四年癸酉鄉薦弟頤成化四年戊子鄉薦八年壬辰  
進士從子立方萬曆四年丙子鄉薦鎮方萬曆十九年辛卯  
鄉薦夢炎嘉靖七年戊子鄉薦彭齡隆慶五年辛未進士堯  
齡萬曆七年己卯鄉薦相繼登科者五十餘人孫約宏治十  
五年壬戌進士厯龍泉金溪二縣令以廉能擢御史巡按應  
天及貴州所至有聲擢河南按察副使勞於民事卒元樂嘉  
靖十二年辛卯鄉薦知州長於詩文

據阮通志修

謹案阮通志云戴志黃志新會志天順辛卯同科中  
式者別有新會鄺文官江西宜春知縣今籍隸開平  
龐璫字廷佩天順三年己卯舉於鄉初知分水調福清治尙

精明以邑人好訟用嚴治之犯者輒麗於法吏胥斂戢不敢  
爲奸崇儒重道廣學宮置祭器公署吏廨無不竭力飾之時  
稱能吏後祀名宦祠孫尙龍字德普舉萬曆元年癸酉科授  
溧水教諭乙酉順天分考得白瑜等皆名士陞富川令革陋  
規清隱占增守禦置義倉修橋建塔邑大改觀湖廣扶靈猺  
腴而富中衛所官利其有僞票招兵剿殺煽惑興變尙龍密  
擒之遣戍兩地卒獲安堵晉永甯知州禁緝詐之擾輕贖便  
民立成規纂州志先是桐木土鎮爲梗旣伏辜沒其土田以  
給軍費免義甯兩江諸縣歲運之苦轉楚府長史藩王遭誣  
奏上遣內臣會勘屬尙龍草疏辯白遷左史致仕三十餘年  
絕跡公門故人蔣光彥來守嶺西屢請不謁年九十猶好學

云據阮通志南海志修



馮遵字示轍天順四年庚辰進士筮仕吏部主事清謹著聞進員外郎持法不私為當路所憚擢福建右參政後致仕卒遵善鑒別人物識大學士梁儲布政李祥於未顯皆其婿也子濟宏治戊午鄉薦授湖廣永州同知以廉能稱卒於官據張

府志

唐盛字士隆天順八年甲申進士累授南京禮科給事中中以憂去起補戶科出為廣西參議莅政寬仁受知右都御史朱英使之監軍撫治猺獞俘賊首韋公眷等復安集三峒猺三千餘人猺民感之尋致仕卒據張府志

鄺鼎字器之幼有志讀書寒暑不輟成化元年乙酉舉人丙戌中乙榜入太學聲稱籍甚大宗伯白學士尹進士孫五美皆遣其子受易於門卒業國學二十餘年為詩文洒然有自

得之趣族有大岑沙祭田一區為憲使陳某所占歷訴當道而直之族人後祀之於祠兩廣都御史韓雍為建坊於鄉以旌其賢據粵大記修

黃皦字時雍成化元年乙酉鄉薦讀書太學幾二十年明習典故而學業益精人多從之遊試銓曹第一授吏部司務轉驗封司員外郎擢江西左參議提督糧儲精算法吏不能售其奸甯藩欲增祿米之直皦執不可同鄉李儀賓來嚇皦曰王已草奏布政林洋已下且斬皦徐應曰彼何與焉第斬吾一人足矣欲摺摭其私竟不得正德二年劉瑾用事裁革管糧官皦治裝行李蕭然家居二年以舊職起尋擢雲南左參政管內多士官茶甸長官沙福者婦人也與其叔普顯治兵相攻皦單車往諭得其情執通把數輩欲撻之兵皆走散乃



與定約而歸安南長官那代攻破蒙自縣負固二紀皦調餽  
練兵將攻之首讐服歸所俘由是威震六詔巨璫崔安忌皦  
功侵之皦不能平聲色俱厲安媿屈連呼鐵漢吏民因稱鐵  
漢公致仕卒年七十三子學裘正德十一年丙子鄉薦祀龍  
溪名宦學準最著字本平正德十四年己卯鄉薦崖州學正  
遷知潛江忤中官與治兵使者改淮安教授擢南助教判潯  
州署桂平縣清約自持既歸潛心典籍何維柏雅重之著有  
朱崖湖南淮南留都西潯家園諸稿咏史諸詩鶴齡與學準  
同科學矩嘉靖元年壬午延年與學矩同科皆舉於鄉延年  
領首解孫潛學準子隆慶元年丁卯溥嘉靖四年乙酉相繼  
鄉薦溥南甯府同知據阮通志修  
鄧應仁字子榮南海人少就經籍入邑學有文名成化七年

辛卯領首薦十七年辛丑登進士授浦城知縣為政愷悌不  
事表暴宏治二年處州賊竊發遠近騷動應仁拒戰賊遁去  
邑賴安堵尋陞南京禮部主事歷戶部郎中宏治末出守南  
安廉靜寡慾政尚平恕在任數年惟攜一家僮自隨門無私  
謁既去民有肖像祀其家者據阮通志修

梁方字惟義成化八年壬辰進士授工部主事時汪直肆焰  
希榮者多附之以進方直節不阿遷延郎署十餘載直伏誅  
轉湖廣參藩歷福建糧儲雲南布政使所至剛介廉明敢於  
任事俸人之外毫不苟取歷仕四十年所置產僅足餬口年  
九十五卒據張府志修

陳秉德字繼田號半峯成化間由貢生司訓上林將入境遇  
一翁漁於澤畔問所往因止之宿曰山寇披猖危地也吾故



上林教官已棄而漁願毋往秉德曰仕不避難臣之節也竟赴任未幾賊攻陷上林與妻薛氏同死之據九江志采訪冊參修

熊季芳成化七年辛卯經魁二十年甲辰進士榜姓授池州

府東流令秉德剛方為政簡易抑強振弱招撫流移復業者

一百四十二戶出俸贖還飢民子女十有七八人德之擢

九江府同知甫期月丁外艱服闋以養母卒於家年九十有

六兄孟芳字景春天順元年丁丑進士官戶部主事仲芳子一

源宏治八年乙卯鄉薦官即中一瑛宏治十一年戊午鄉薦

已未連捷進士累官副都御史大理寺卿巡撫貴州時嘗題

請開科廣額以平寇功蔭子廷翰太學生曾孫九疇嘉靖四

十三年甲子舉於鄉據南海志修

陳庸字秉常生而孝友力行好古成化十年甲午舉於鄉聞

陳獻章講學江門往師事之獻章深服其德量與張詡李孔

修交詡初因庸以見獻章或詢詡為人獻章曰余知庸庸知

詡何問焉庸潛心理奧多所自得其學以主靜為本羅倫莊

景少許可遇庸輒嘆賞年踰五十親友強之仕補荆門州同

知蒞任五日不能隨時俯仰拂衣歸隱居三十年斷跡城市

督學王宏欲與相見竟謝不往其從姪有孤者庸視為子門

人倫伯疇未顯時求地以葬其祖庸無難色西南有驛官貸

金而卒其子謂金主曰若得東峯一言即唯命是償金主告

其故庸曰親券在彼其子唯唯不拒其處已接物慈讓誠確

者類此病革沐浴更衣設獻章像焚香再拜而逝年八十六

所著有東峯語錄東峯集其徒多以科第顯倫文敘最著孫

棊字晉伯穎敏博覽守祖庸之學師事龐嵩以風節自勵嘉

靖州府志 卷一百一十五 列傳四 三



靖十六年丁酉舉於鄉任太和令甫及期政和民洽邑城濠

產並頭蓮時以為異邑侍御周光祖贈以詩曰中都十八郡

天獨厚和陽不盡君侯德雙蓮一段香未幾卒於官歸橐蕭

然曾孫敏性崇禎十二年巳卯副榜敏勉崇禎九年丙子鄉

薦同時又有陳冕南海人今隸三水少補端州弟子員雅負

禮教白沙甚重之及卒為之銘其墓曰伯道有子劉黃登科

責報於天所得幾何邁邁子文蹈此高墳我銘為子顯於千

春黎潛南海人蕭倫順德人疾執喪氣息奄奄賓客知舊往

來記一忘十獨於潛也倫也思之不置二生之思我從可知

矣愛之深言之切老朽何以答二生之拳拳發憤進步一日

里皆獻章弟子云海志參修

馮載字克任號楚庄初名祥弱冠補邑庠生按察使薛某器

之委幣使於陳獻章慨然有求道志遂棄舉業講明心性之

學秋試期逼薛諭以引薦意不顧強之復學亦不應遂留受

業焉比歸獻章贈詩稱許之自是語言寡默學問精詣湛若

水稱為能隱居以求其志謹孝祀敬父兄貌莊禮恭行修言

確以嚴教子而以義睦族今之陳太邱也子教微同領正德

五年庚午鄉薦徽歷官按察僉事贈載如其官孫士懋秉禮

矢誨恂恂有古人風曾孫良棟領萬曆十三年乙酉鄉薦敦

重有大器人謂能亢其宗云據粵大

記修黎鼎字汝重夏教堡人成化十年甲午鄉薦乙未進士歷官

行人司南京廣西道御史宏治二年遷廣西按察司僉事嘗

平大藤峽巨寇又太平府有盜警木棉村民萬計多從盜當

事欲盡屠之鼎執不可誅首惡數人餘悉招撫民立廟祀焉

後陞廣西布政左參議以老病歸有公餘集藏於家據采訪

梁貞字惟正父贅室桂洲因家順德師事陳獻章篤志向古



居父喪苦塊三年哀毀踰禮服除不入寢所宏治八年乙卯

舉人未仕卒

白沙集莫梁貞文曰於乎惟正思慕古之人師世行之非無其志科第未殫其胸襟又曰果司命之在天不可以人力勝耶抑所養之未至不可委之命耶今館中之士

求如惟正者守一而破蓋亦希矣薄俗移人始終殊歸不自知其非也據阮通志番禺志修

謝佑字天錫補府庠生棄去從陳獻章遊築室葵山之下并

日而食穢不掩脛名利之事纖毫不能入也與順德李孔修

稱二高士病革寄湛若水詩曰生從何處來化從何處去化

化與生生便是真元處卒後附祀白沙祠若水為之銘曰瞻

葵之陽山高水長公在宇宙死而不亡

據郭通志明儒學案修

吳璉字美中成化十年甲午鄉薦二十年甲辰進士授直隸

含山知縣廉潔專務以德化民值年荒多方賑救作粥糜以

餉流移前後所活盈萬政暇授生徒以周易踰年以憂去任

士民如失慈母服闋知進賢縣以守正不合引病歸以子貴

封南京戶部署員外郎加正四品服卒年八十餘子允禎字

天佑登宏治十五年壬戌進士歷戶部郎中出知永州府涖

官清儉寬仁興學造士不科擾於民民弗率則委曲訓諭不

事刑罰歷廣西參政祀永州名宦允祿字天申號九巖舉嘉

靖二年癸未進士授武選主事性馴雅守繩墨時逆瑾熏灼

之後允祿不踰月削籍者一千六百餘員中官谷大用張永

輩誣奏允祿下詔獄已而事白復原官以賢調吏部稽勲主

事晉文選員外郎驗封郎中是時權歸執政諸郎署共為澳

忍允祿力請外補出為湖廣參政時楚大飢請發倉以賑全

活數十萬家轉按察使先有儀賓十惡之獄六年弗決允祿

辨其誣楚王德焉壽以千金卻之大木之役處置得其宜有

廣州府志



白金文綺之賜至是凡七人薦剡詮部一擬光祿卿再擬布政使俱不報歲己亥帝南巡允祿與布政使徐乾預備有方天顏甚悅時導駕御史胡守中儉人也貪索不滿其欲中傷之允祿不辯而歸人皆服其長者既歸而守中被戮事益白名益顯直指姚祿以廉明介節薦於朝已病篤不待矣時稱湖湘兩介士謂徐雨溪及允祿也說者謂允祿尤挺矜然之操云允裕字天和少穎異博極羣書嘉靖元年壬午舉於鄉父璉卒哭泣病日夢神授以方治之愈謁選授浙江象山令邑故無城虎狼晝噬涖政兩月擒三虎患遂息比厲疫大作焚香籲天疫弗爲害改知湖廣東安歲却鹽例五百金時繫獄者七十餘人辨雪其冤擢判甯波革海倉舊羨征倭司餉有功秩滿致仕象山人立祠祀焉子維鎮篤學力行有聲庠

序孫光龍萬曆三十二年甲辰進士以治行聞父子兄弟以

學業顯士林榮之

據阮通志修

胡澧字伯鍾三江人附籍英德領成化十六年庚子賢書宏治六年癸丑進士授刑部主事遷員外郎以病免正德庚午起工部遷郎中督治濟甯河道以功遷知敘州府轉四川松潘副使先是番夷作逆官兵不能克澧至制神機火箭所及越三百步人馬遇之莫不焦燬遂焚其營帳積聚一日而五寨俱平番人震懼送款督府胡世甯疏其功以忤柄臣棄官歸都御史吳廷舉疏薦不起嘗遊西樵時霍韜以詹事山居素聞澧名倒履迎之因試澧箭驚以爲神與論理學益見稱賞亡何韜起爲吏部侍郎值大同兵變殺都御史張文錦韜薦澧併進箭詔徵赴京命兵部傳其技擬授僉都御史開府



西北命未下而豐卒祀郡城英德兩學鄉賢

據南海志修

陳希文字載道成化十九年癸卯舉於鄉宏治十八年乙丑令武清縣去京師百里北枕官道中通運河政倣民悍希文至視筮七日即執勲舊家販私鹽及開肆於河西務者數人治之凡利於民者次第舉行期年而邑治邑舊無城嘗苦響馬賊每議築病工費浩繁希文移書於勲戚有田在邑者計田出貲遂告成薦拜太僕寺丞正德五年領常盈庫銀二萬往大同買馬給軍查盤得欺匿銀兩三萬以聞歸途遇劉六劉七齊彥明之亂行至定州士夫耆老擁入行臺問計即登城號曰發公廩以給貧民守城者有無賴子陰與賊通縛以徇民乃堅志固守賊環攻三日知有備乃去至真定賊已抵城城閉守官識希文乃啟鑰希文按轡徐行驅民先入乃入

民得安堵尋奏查真定等府寄庫養馬餘地銀乾沒者泊如律從之十一年擢湖廣常德知府修理河渠振起學校居三

年述職如京師解官歸卒年六十有五

據黃通志修

倫文敘字伯疇別號迂岡長身玉立頭顱大二尺許幼秀穎五歲時與羣兒戲有術者見之曰此兒必魁天下宏治二年己酉以儒士就試巡按御史周南大異之入棘闈果中高等肄業大學十二年己未會試殿試皆第一授翰林院修撰為文根極理致而詞藻溢發十八年武宗登極頒朔安南充正使會丁外艱歸不果行正德五年起補原職充經筵講官每遇講期凝神精思發理奧以啟君心而儀度容昂音吐洪亮上注目焉陞右春坊右諭德兼翰林侍講七年九月進講舜有臣而天下治多規諷語上和顏傾聽八年春與修玉牒是



秋主應天試所得多名士比還得疾卒於京師年四十有七  
文敘天性溫醇德器粹望之知爲君子居嘗以書史自娛  
手不釋卷爲文宗韓揚悠長宛轉蔚有真趣其孝友出於天  
性而與物無競善教子長以諒次以訓次以誥以諒字彥周  
秀雅端方凡書過目成誦幼同弟以訓學於完齋何璦之門  
以聰悟見稱正德十一年丙子舉鄉試第一十五年庚辰登  
進士第選庶吉士讀中秘書二年而文益有名當是時海內  
人士謂倫氏父子兄弟相繼登三元古今罕見而秉鈞軸者  
忌之改山西道御史歸養數年南北科道交薦其才詔復起  
拜浙江道御史正色立朝嘗導駕修儀玉立朝宁皆注目焉  
累彈劾不職大臣舉老成舊德如都御史林俊輩輿論翕服  
改吏部文選司主事凡三年歷四司嚴關防端矩度擢稽勳

司郎中陞南京通政司參議與歐橫溪同心立政居二年奔  
母喪歸哀毀踰禮自是無復用世志矣天性孝友待舅弟有  
恩諸昆恂恂至老翁如也量宏廓能容小過好施與父母妻  
之族待舉火者數十家無德色爲文不求奇而理自足不求  
琢而格自工詩天然有理趣與青蘿王漸達最相得雖不以  
講學名而一言一行莫不合道非世之僞儒所及也卒年六  
十五以訓字彥式別號白山少有異質書過目不忘稍長通  
六經子史百家正德八年癸酉鄉試第六時年十五是年丁  
父憂十二年丁丑中會試第一人殿試第二人授編修予告  
畢姻侍母者七年嘉靖二年兄御史以諒歸養以訓復出供  
職四年乙酉纂修武廟實錄成晉修撰賜白金文綺八年己  
丑十一年壬辰同典會試所得多名士充經筵講官儀度端



雅上爲起敬十三年以九歲考績晉右春坊右諭德偕張龍湖主試南畿所得亦多名士十五年陞南京國子監祭酒十六年奉恩贈父母迎母養於南監宦邸者二年一日母有歸志卽上疏得請還粵性敦孝友與以諒互相砥礪教諸弟尤懇至平生不植黨不樹私不苟取予尤熟朝廷典章有問者條答無遺其發爲文詞意暢神適非人所及若壬辰會試文質一策究竟古今循環之蹟而變通以道上大加獎異後建崇質殿蓋取其意云所著文集四十八卷詩集三十二卷明朝彝憲二百卷十九年母喪過哀而卒年僅四十有八以誥字彥羣別號穗石年十七舉正德十四年己卯鄉試嘉靖十七年戊戌進士廷對擬鼎甲爲忌者抑寘二甲授禮部儀制司主事凡表箋封拜旌賢校士一切大典均極敬慎考最轉

南京兵部武選司郎中請歸養遂不復出從湛若水遊宗白沙主靜之學嘗謁王守仁以志道篤趨向正稱之嘗語學者云道不在談論得之力行文不在藻麗得之六經故其言動有法程文章追大雅甲子之變四郊士女趨城不得入爲叩直指啟城民至今德之爲文下筆數千言立就賦詩或一韻百餘首壽八十卒所著文集五十六卷詩集四十三卷藏於

家據獻徵錄  
粵大記修

黃衷字子和父璉居喪盡禮以學行稱譽髦多從之遊衷幼穎絕倫三歲讀孝經問孝本天性也何別於天子諸侯璉大異之弱冠宏治八年乙卯九年丙辰連捷登進士第授南京戶部主事監江北諸倉查括積歲侵羨得粟十餘萬督摧揚州卽丁內艱在官僅四十日輸權銀九千三百餘兩前此一



歲之入也正德初除戶部晉員外郎丁外艱服闋銓部擬改御史力辭乃補南京兵部員外郎晉禮部郎中轉武選尋遷吏部在留都久與朱應登顧璘陳沂輩以詩文擅名出知湖州府遷福建都轉運使巡撫胡世甯薦衷堪總糧政遂晉廣西參政督糧至則嚴繩恣爲奸利者境內肅然大征古田帥師由洛容斬首二千餘級論功晉俸一階賜銀幣正德十六年晉雲南右布政使征芒布以功轉左巡察疏薦嘉靖二年擢右副都御史巡撫雲南清里役以節財力條陳地方利病八事皆切機宜移鎮湖廣兼理戎務首劾分巡守備二人奸吏多望風解去復修沔陽州龍淵滄浪等隄士民立碑以紀功德在鎮數月積粟八十餘萬石銀四萬餘兩戶部疏聞降勅嘉獎賚以金帛五年湖北盜起授守巡官以方畧進兵剿

獲首惡六人斬首二百四十餘級生擒六百九十餘人捷聞大被褒賚會營仁壽宮及顯陵晉工部右侍郎兼僉都御史督理運木事竣賜銀幣以考最病足痿乞休不允改兵部右侍郎得報卽抵家疏四上皆不許辭會有忌者爲飛語謂衷潛至京師乘山輜謁當路人皆知爲致仕侍郎王蓋非衷也後校尉奉旨密查自廣至京驛遞關文雖偵伺無蹟猶勒冠帶閑住或勸上疏自明衷曰事久當白何必辨也給事中魏良弼因言衷係大臣例當馳驛假令入京豈能潛隱乞治言者欺罔之罪不報久之奉詔復職致仕卒年八十所著有矩洲文集十卷詩集十卷奏議十卷海語一卷皆行於世

修

據粵大記

鄭應文字叔章宋鄭漢章之後性孝友年十八始學舉業登



宏治八年乙卯榜初任浙江慶元令礦盜起官兵畏卻應文率鄉兵列陣逼之其黨遂散丁艱服闋補宣平令凡五載以廉直不能事上移廣西之羅城羅故盜藪應文一以治浙者治之寬嚴有法民賴安業應文去甫兩月盜賊四出破邑屠城署縣者死之乃知應文有牧帥才也生平留心理學與倫文敘湛若水為莫逆交父翼病篤與兄應新籲天求代應新死遺孤用淵應文撫同己子教育無間應文卒後有子用夏以歲薦為邑宰用淵孫佐倫相繼登科

據郭通志修以上南海

南海李徵霽分纂 南海梁 起初校 番禺金佑基再校

番禺史悠泰三校 順德羅 槩四校

廣州府志卷一百十五終







